

晚晴籀詩匯

第七六册

一

二

三

四

五

六

晚晴彙詩匯卷一百八十八目錄

閨秀

顧太清 三十首

夏伊蘭 三十六首

魯蘭僊 九首

李媿 六首

方蔭華 十首

周之鏜 十三首

宗婉 七首

宗粲 十三首

吳蘭畹 十八首

多敏 三十七首

王甥植 四首

潘煥嫻 六首

陳寶四 二首

張常熹 一首

陳文瑛 一首

全璞 一首

金鴻佶 一首

華氏 四首

劉汝藻 三首

莊盤珠 一首

鎖瑞芝 五首

凌興鳳 二首

宗桂 四首

宗梅 四首

宗慶 三首

勞淑靜 一首

張夢龍 八首

言忠貞 十首

何桂珍 十四首

左錫璇 十八首

左錫嘉 十四首

范淑 二十四首

徐咸安 十三首

張印 五十一首

孫佩蘭 二首

沈畹香 一首

周維德 四首

高順貞 六首

屠敬心 三首

李湘 三首

取時彙詩匯卷一百八十一首

晚晴籀詩匯卷一百八十八

閩秀

徐世昌

顧太清字子春漢軍旗人多羅貝勒奕繪側室有天游

閣集

詩話入旗論詞有男中成容若女中太清春之語臨
 桂況夔笙舍人周頤於光緒己丑得天游閣詩寫本
 其詞名東海漁歌夔笙初未求得宣統己酉黃陂陳
 士可毅得詩五卷闕第四卷詞四卷闕第二卷詩在
 四十前多借游之作及稱未亡家難旋起攜子女移
 居邸外有詩紀事嗣是撫孤感逝涉筆皆哀其論陳
 雲伯詩有云綺語永沈黑闇獄端嚴可想詩注述南
 谷墓廬事云主人皆有詩載明善堂流水編第十五
 卷太清有金縷曲為阮相國題宋本金石錄其後半
 云南渡君臣荒唐甚誰寫亂離懷抱遺憾訛言顛
 倒賴有先生為昭雪算生年特紀伊人老自注相傳
 易安改適事相國及靜春居劉夫人辨之最詳云云
 仁和吳伯宛謂才媛不幸大抵如斯異代相鄰端
 在同病松鄰遺集有天游閣詩集詞集宋詞選跋
 游仙

明眼錄詩匯卷一百八十八
層臺起虛館桂柱蘭爲堂微風從東來吹動羅衣裳翻階
木芍藥薜荔當門牆揮杯發清興絃歌誦詩章繁星映戶
牖明月照兩廂爲樂及良時光景孰云長

縹緲十二樓上有仙人居左據青玉案右擁鴻寶書瓊瑤
製危冠芙蓉曳輕裾歡笑粲玉齒從容下丹除俯察碧流
水清波戲朱魚仰觀青天雲舒卷任太虛

巫山高巍巍江水碧深杳中有陽臺人清容舒窈窕翠袖
倚朱闌顏色常美好我欲往從之不見三青鳥

層巖下斜日雲霧生重陰昏煙迷修渚飛鳥投荒林清宵
佇涼月開窗弄鳴琴悠悠世中事泠泠絃上音

清明雪後侍太夫人夫人游西山諸寺

三月山花尙未發一春忽忽過清明雲移列岫山無數雪

滿叢林樹有聲怪石自成蹲虎勢老松誰與卧龍名晚晴
碧澗添新水歸路迴看暮靄平

東山草堂

春水滿池塘春光入草堂黃茅初蓋頂紫燕欲窺梁卉木
見真趣圖書森古香濛濛新雨歇花萼婉清揚
淑氣催花萼春風入酒樽日長簾幕寂人靜鳥聲喧拂座
清松影侵階碧蘚痕山堂通略約詞賦接文園

至日

衰顏暗向鬢絲催地漸南游暝漸來春意待看河畔草天
心已復地中雷晴窗綵綫盤金縷碧海靈風破玉梅忽忽
浮生三十四百年行樂幾傾杯

次夫子清明日雙橋新寓原韻

明詩彙言四卷一百八十八
二
蕭寺垂楊岸明湖第幾灣去來今日事二十五年間余二年前侍先大人會游此寺碧瓦淒春殿玉峯看遠山僧窗對流水欲往聽潺湲

欲往城西寺還須待杏花羸軀仍怯冷好景不容賒柳眼蘸春水渡頭明晚霞溪山生暝色閃閃數歸鴉

寶藏寺

寶藏雲峯秀春山碧草齊清涼禪客室冰玉主人題花雨層臺上泉聲法座西登高渺城郭萬井曉煙低

游南谷天台寺

三月三日天台寺日午靈風入法堂一段殘碑哀社稷滿山春草牧羊庭前柏子參真諦洞口桃花發妙香笑指他年從葬處白雲堆裏是吾鄉寺爲明慈聖李太后所建夫子擬葬夫人於此谷中

自題道裝像

雙峯丫髻道家裝
迴首雲山去路長
莫道神仙顏可駐
麻姑兩鬢已成霜

乙未元旦

聲聲爆竹散林鴉
煙火春城千萬家
碧玉纔臨新日色
宮鏡未翦去年花
死生轉覺人情切
進退須防道路差
節物驚心同逝水
等閒誰敢負韶華

二十二日由白雲觀過天甯寺

遂過天甯寺
花香染客裾
薜碑迷故事
風障護春蔬
野草濃於繡
遙山淡若虛
方今正望雨
宿麥及時鋤

法源寺看海棠
遇阮許雲姜
許石珊枝錢李
紉蘭卽

次壁刻錢百福老人詩韻贈之

明詩錄卷一百八十一
三
籀石文章在風流天下傳卽看詩句好想見老人顛繞座
飛花雨成陰蕩碧煙禪房春晝靜香接逆風前
春老花盈樹丰神借客傳綠陰隨日轉紅片任風顛邂逅
江南秀檀欒法界煙題詩寄同好問訊綺窗前

游孔水用吳郡盧襄石刻詩韻

溪去山樓凡七里平坦不煩折屐齒下有泉源上石堂萬
佛妙相參差倚青苔亙古不見日森森濃綠疑無始龍泉
古壁何年失虎尾春冰豈可履夕陰水鳥上漁梁倒映山
容碧灘多人生行樂須及時花外光陰去如矢開元殘碑
嵌絕壁幸得盧襄刻詩紀出山一路又看山二水合流成
漫水名水馬耳東風拂面香鴛鴦屬玉驚人起歸塗借問今
何時梨花桃花纔結子渺渺春波萬古閒悠悠天地長如

此借隱何辭挽鹿車雲水遨遊勝朝市

夜行翠微山麓遂宿龍泉菴

籃輿一徑入雲深兩兩明鐙過樹林吹面不嫌山氣冷滿
天星斗壓春岑

夏日城東泛舟歸來有作

卅年不到城東去雲水空濛接遠天野岸新蜩鳴偶爾山
門枯木尙依然已非昔日僧迎客猶記當初柳繫船一路
薰風吹酒醒重城西望隔蒼煙

歲暮寄仲兄用東坡和子由苦寒見寄韻

雪後北風起歲暮臨新年言念客中人何日方當還旅食
恐不周多病凋豐顏一月兩寄書一書五六篇告我客中
事略有好因緣縣令與之游我聞心喜歡吾兄本書生所

餘惟青氎明哲貴保身思退慎進前出處各有時請看堦
與孺樂道毋憂貧仰不愧於天且待春風至萬物同新鮮
寄以敝狐裘副以蒼玉鐶翹首望南雲新雁將北旋

四十初度

百感中來不自由思親此日淚空流雁行隔歲無消息詩
卷經年富唱酬過眼韶華成逝水驚心人事等浮漚那堪
更憶兒時候陳迹東風有夢不

自先夫子薨逝後意不爲詩冬窗檢點遺藁卷中詩
多唱和觸目感懷結習難忘遂賦數字非敢有所
怨聊記予生之不幸也兼示釗初兩兒

昏昏天欲雪圍鑪坐南榮開卷讀遺編痛極不成聲況此
衰病身淚多眼不明仙人自登仙飄然歸玉京有兒性癡

頑有女年尙嬰斗粟與尺布有所不能行陋巷數椽屋在時
西城養馬營賃房數間暫居何異空谷情嗚嗚兒女嗟哀哀搖心旌幾
欲殉泉下此身不敢輕賤妾豈自惜爲君教兒成

己亥生日哭先夫子

虛室東風冷幽居瀉淚泉去年同宴樂此日隔人天生死
原如幻浮休豈望仙斷腸空有恨難寄到君前

靜坐偶成

一番磨鍊一重關悟到無生心自閒探得真源何所論繁
枝亂葉盡須刪

萬松涵月歌

青天皓月懸明珠中涵松影千萬株森森林立無邊隅幽
陰如聞天籟呼濃皴淡染誰所濡麤枝密葉參天鋪其質

形勝志言卷一百八十一
五
滑膩美且都文登大理人所諛貴來方與凡石殊天開畫
本應難模微雲一抹如有無遠山掩映疑蓬壺其中應結
仙人廬世間日月自征徂惟此松能常不枯可謂壽矣天
地俱兒之所好能不愚氈包載歸以獻吾自勺清泉滌泥
塗天生靈物豈容汗斲木爲架覆以幬相對不忍離須臾
恨不將身入畫圖片石珍重抵瓊瑜

潛真洞

傳有真人乘鶴去空餘老杏手親栽至今深洞懸鍾乳終
古陰崖長碧苔大道無爲且游戲谷神不死或歸來秋風
落日仙壇靜澗草巖花到處開

游潛真洞晚歸度梅兒嶺口占

夕陽西下亂山圍縹緲遙村暮靄霏游興最嫌秋日短馬

頭明月照人歸

夏日聽道初兩兒讀書

翛然花木蔭茅菴一炷鑪煙經半函閒向窗前課兒女微
風晴日誦周南

過訪少如座中忽值雷電交作雨雹橫飛聞朝陽城
樓竟爲雷火所燬便道往觀歸來賦此記之時壬

寅夏四月二十二日也

歲次壬寅夏維首庚子日斜風似吼是時亢旱已愆期觸
熱來訪金閨友新詞妙句共相論消煩更酌尊中酒俄然
墨雲挾雨飛奇峯亂掣金蛇走一聲霹靂震階庭七箸翻
盤杯落手旋經老嫗報倉皇神龍攫物傳萬口朝陽城樓
勢嵯峨中藏靈寶天公取我聞此語心咄嗟辭歸不畏泥

塗厚沿途仰視光燭天濃煙烈燄冲牛斗聚觀擁道如堵
牆云云默默互前後細思此事何休祥雷師毋乃職其咎
盡效昆陽助戰爭一為吾皇擊羣醜

時浙東
方用兵

夏伊蘭字佩僊錢塘人諸生夏之盛女有吟紅閣詩鈔

詩話松如刻苦為詩佩僊幼依左右授以唐人絕句
輒能上口成誦拈筆為小詩雅有思致少長耽吟更
甚於父其父每賦一詩呼女吟賞女往往代易一二
字父亦為首肯論隨園女弟子詩謂如朱意珠王碧
珠等皆落落無奇惟服膺金纖嘗作小青曲七古
纏綿悱惻父執見之謂非少年所宜女遂深自檢點
凡舊作有不祥語悉去之歿年止十五松如題其遺
詩云絮才忍令付銷沈一字悽涼一字金敢謂文章
千古事聊完兒女百年心恨伊不及看削鬚老我何
人伴嘯吟尚記膝前勤問字吟唔挾卷到更深半巖
廬遺詩補有題

吟紅閣集七古
古意

澗底松桓桓岡頭柏鬱鬱勁節歷冰霜不知世榮辱中有

絕代姿牽蘿補茅屋愛潔憩林泉含貞抱幽獨欲折貽佳人
素心渺何託緬彼春花開紅紫紛繁縟爭妍更取憐時
榮亦時落遂令深情人憐香歌當哭所以桃李姿不及女
貞木

山家

山家景物未全非一院醲醲靜掩扉睡鴨池塘花落早浴
蠶天氣客來稀條桑小憩綠雲塢試翦新裁白袷衣牽到
柔絲千縷細垂楊肯遽放春歸

睡醒得句

睡醒黑甜鄉翛然詩味長蟲聲侵夢短鐙影逼窗涼骨月
喜團聚書編愁健忘幾番勞阿姆替翦夜來香

侍家慈登吳山

十萬樓臺指顧間，憑高最足豁心顏。
晴雲淡挂胥祠樹，殘雪微明越岸山。
天意尙留寒料峭，人情轉愛境清閒。
籃輿不厭探幽去，履舄追陪樂未還。

讀列女傳

我披列女傳，懷古心長悸。忠孝節義風，羅列類略備。閨閣垂師表，摹倣匪易易。幼讀女孝經，晨昏殊自媿。幸生賢女後，所學爲何事。不見蓬戶女，書史未覩記。或投梭表潔，或奉匱養志。至性有餘師，殊途而一致。况綜三千年，供我精取棄。賢媛去今遙，精靈簡策寄。後先心印心，一一呼欲至。我輩工絮吟，聊以娛親意。大義重節孝，餘技通文藝。陶孟範猶存，曹龐型未墜。千秋仰止情，盥薇一編肄。

漫成

櫻桃成實筍抽芽春老西泠女士家
拆到縣衣剛欲曝畫樓恰恰落楊花

明河詞

微雲點綴有無邊咫尺紅牆望邈然
記取浣紗河畔路碧虛清淺自年年
迢迢一水隱星妃惆悵仙游舊迹非
我亦乘槎懷遠想只愁無學辨支機

吟紅閣晚坐

梧竹蕭蕭裏涼陰一院賒溼雲疎漏
月微雨淡沾花暑減謝揮扇詩清借
飲茶牙籤編百卷奇富女兒家

聖因寺攬勝齋小憩

攬勝還將勝境登幾回小憩倚枯藤
竹聲多似清吟客梅

格高如戒行僧游愛早春人寂靜飲當薄醉興蕞騰散花
我本天仙女勝果能參最上乘

哭族兄錢江

濃華館裏共周旋長我居然三十年蠟屐尋山嫺相地緼
袍入座侈談天研經王濟爻吞易閉戶袁安爨絕煙惆悵
人羣容易謝累儂弱妹也悽然

葛嶺弔賈秋壑

山中宰相任游嬉兵困襄樊已失機半壁笙歌荒蟀鬧華
堂鐙火暮螢飛藏春有鳴書空積輸幣無靈計總非淒絕
木棉庵裏月幽魂千里未能歸

耽寂

擬耽寂靜養天和偏有芸編費揣摩月上方知臨水好樹

深纔覺得秋多花香淡襲七椀茗蟲語涼侵一徑莎賦到新詩還自賞槃阿入夜少人過

甲申除夕

嘯歌回首迹都陳又見風光轉綠蘋弱婢營盤供餞歲老

親翦紙寫宜春團圓好借尊前酒僂愴難通畫裏神杭俗除夕

例懸列代神像但願承歡依膝下年年常作悅顰身

憶祖姑母

嚴親幼穉賴提攜兩代深情一脈遺骨月已歸三尺土恩勤猶記十年時人天渺渺神何在笑語依依願已虧幾度繡窗勞翦髮伶俜憶昔苦無知

春日侍家慈天竺禮佛

何年梵刹倚丹霄拂座旛幢影亂飄挾到天風喧佛唄聚

將香市雜塵囂山沈磬響清逾遠雲亘鑪煙冷不銷我欲
題詩參震旦松篁夏韻類笙簫

游靈隱寺

飛來峯畔幾番尋梵刹莊嚴倚夕曛旛影淡搖三殿月鑪
煙寒鬱半山雲丹厓桂子落無迹碧洞猿聲杳莫聞徧地
野花開爛漫偷閒聊擬破苔紋

飛來峯

奇峯生羽翼摩空勢軒翥相傳古靈鷲佛國名長署何年
石飛來梵刹永蹲踞浩浩蕩雲煙重重擁巖樹古劍劈山
開千古石隙露虹梁跨半空羣峯盡奔赴山風忽怒號潮
音喧日暮未識緇衣徒可領煙霞起我本散花女佛前常
擁護瑤臺一小謫西冷十載住峯下久徘徊慄慄增危懼

但恐石狻獠負我竺國去入險更出險羅衣羃雲霧一笑
謝山靈勝游殊恩遽

弔宋閻妃墓

佛火鐘魚紺院幽珮環誰憶六宮游山空晝落松釵靜徑
斷雲埋石鏡秋芳履誓隨真后去寵名羞共賈須留香銷
粉冷靈峯側麥飯何人奠古邱

吟紅閣小坐

塵積借風除屋敞延花補山雲覩無人滃然入牖戶

郊外

東風小試袷衣鮮結伴曾經度陌阡人影淡留桑徑裏春
光黃到菜花邊幾重雲樹留殘照十簇樓臺入暝煙會得
郊行多樂意勝游最好紀年年

登六合塔

羣松勢天矯張翼將天蓋一塔獨昂然翹首矗雲外我輩
巾幗流每苦囿塵堪幸得禮浮圖佛天靈堪句螺旋徑曲
曲偈仄毋乃太初行頗暗黑接引燈火賴歷盡七層巔照
然豁昏昧戶牖妙嵌空風來發虛籟遠山淡無邊濛濛雜
蒼靄煙樹認隔江幾叢隱蔚蒼乾坤千萬里咫尺羅襟帶
纒信神禹功天地同其大昔聞慈恩塔杜句妙如繪儻能
恣登眺茲塔等自鄙豈知造化巧隨意騁狡獪名蹟此亦
奇勝賞今爲最臨危神自安憑高心轉泰潮聲晚來壯奔
騰激江瀨天風薄羅袂忍寒殊無奈倚柱立移時夕陽下
西峴何時挈伴登重與續良會

雲棲寺

出山不見雲入山惟見竹竹盡露寺門綠陰環曲曲蓮池
昔居此安禪構茅屋高踪西去久衣鉢今誰屬我來偶徇
徻香積飯初熟禪從玉版參書向金函讀轉憐名利輩抗
塵空逐逐晚鐘雲外來催我還轅速

偶成

人生德與才兼備方爲善獨至評閨材持論恆相反有德
才可賅有才德反損無非亦無儀動援古訓典我意頗不
然此論殊褊淺不見三百篇婦作傳匪鮮葛覃念父母旋
歸忘路遠柏舟矢靡他之死心不轉自來篇什中何非節
孝選婦言與婦功德亦藉茲闡勿謂好名心名媛亦不免
女子在室時承歡職難謝及長事舅姑或難依親舍孩提
至及笄廿年時頗暇行宜奉杖履食宜羅酒炙有女卽當

明時錄言四卷一百八十七
兒服勞親所藉此時不努力終身責難卸他年縱思親往
來聯姻姪顧此轉失彼孝思終假借膝下樂融融一刻干
金價縱言至於斯慄慄心膽怕所以北宮女懿行昭華夏
環瑱都屏撤老死誓不嫁

才子泣窮途佳人苦薄命不料此定例千年難改政謂繫
如分償殊難一例評莊姜賦綠衣終風暴且迭昭君嫁沙
漠琵琶寄哀詠彼獨非貞淑何都羅強橫昭昭禍福門顛
倒胡無定空空輪迴理渺茫難憑信十二萬年前偶然分
逆順化工草創成鐵案堪援證歿壽貞不貳古訓式賢聖
趨避徒煩勞但當受其正

卽事

春歸新綠滿園賒節近清和暝漸加連日好風催棟子一

溪流水落松花烏絲界字臨多寶香篆紫簾誦法華奇福
笑儂都占盡蘭房卽是列仙家

吟紅閣送春

繡閣延芳夢未闌吹將玉笛數聲殘蝦簾捲雨芭蕉暗蛤
粉黏牆薜荔寒迤邐光陰閒展卷寂寥心事倦憑闌碧桃
枝上餘春在小勒紅英幾朵看

夜讀

展卷坐深宵竹陰趁清暇引人書味長佳境如啖蔗女伴
幸不來憧擾片時謝羅紈向夕揮許我涼風借妙理耐鑽
研閨房當書舍創獲珍珠船寶貴真無價蛩吟豆花籬螢
墮薔薇架月解窺讀來玲瓏穿樹罅

偕姊妹輩雨中登望湖樓

我輩聯羣互唱酬樓延暮靄尙句留四圍煙雨涼無際一
片雲山淡入秋柳影垂青低別浦湖光搖白送歸舟荷花
依舊開無主冷落當年玉局游

秋日再過葛嶺

無復西湖縱夜游椒房恩寵一朝休夕陽依舊南朝樹蟋
蟀于今半壁秋孱弱官家裘僅委頽唐國事水空流華堂
歌舞都非昔衰草寒雲起暮愁

臯亭山看桃花

出港擄有聲沿山花無數春風替我作前驅引入紅霞最
深處霞光水色互干重翦綃曳綵憑天工半山儻作滄山
比禪偈參來色卽空空明倒影窺屏嶂夕陽幾處聞漁唱
一鏡春晴瀉綠油三篙香暎霏紅浪桃花盡處露煙村雞

大桑麻聚子孫不信西湖名勝外此間別有武陵源

清明展祖姑母墓

松根攜弱弟展墓淚頻傾白髮人何在空山歲幾更彌留
繞牀夢瞻拜闔家誠幾味飢盤冷聊申返哺情

度親庵

紛排檠戟舊門庭捨宅于今歲幾更寺爲前明葛水鑑
侍郎捨宅所建佛

果證來忠孝好塵機洗到磬鐘清疏花幾簇密無路流水
一溪寒有聲我亦劬勞慚未報殘碑讀罷轉心驚

借諸表姊妹游三潭印月

小艇一葉輕穿波駛如箭攜將聯吟侶三潭游歷徧借彼
德生堂團圞開華宴芰荷未著花風來葉頻顛纖鱗聚族
多噴沫銀浪濺返照入潭心萬匹滉金練凭欄立移時心

晚晴雜言匯卷一百八十七
搖更目眩澄影寫心心鑑光窺面面何時踏月來吟秋聚
名媛壽師昔放生樂善意不倦舊跡久荒涼葑根簇湖堰
猶幸去年夏勝境重修繕川泳魴鱖樂雲飛鴻鵠便生機
溢湖澳空明融一片緬彼大悲心千載猶如見

偕程二表姊孫七表妹登湖山一覽閣

湖山羅戶牖傑閣聊容與憑高豁心顏幸聯詠絮侶況當
孟夏時草木盡繁廡居高更眺遠月令典可數梵音度悠
揚何處傳鐘鼓雲忙意自閒心靜境都古茗味淡可憐詩
情瘦如許眞樂箇中多妙悟各無語好風撲簾來松花落
如雨

偶吟

寂坐山房裏塵心銷幾許殘燈黯無光煙外聞人語

魯蘭僊字靈香山陽人一同姊黃照室有瘦春仙館詩

賸

詩話靈香歸黃氏時姑先逝事翁孝夫不悅學潛長
跼泣勸會遭翁喪次年母及姊相繼歿哭輒咽血遂
不起事實見同甫所為行略遺詩
百篇皆少作同甫稱其情樸近古

荒村

荒村何所見茅屋兩三椽人語白雲外秋來黃葉邊野風
吹落日海氣接長天仰首飛鴻度悽悽亦可憐

野望

天末風初起蒼茫落日時海雲翻大壑山木墮寒枝窮野
歸鴉急高原去馬嘶那堪當暮景黃葉更離離

溪上曲

溪頭日落寒鴉悲往來溪上攀楊枝溪小無聲楊枝墮游

魚穿波花滿舸回首東山月半竿水天蒼茫一色寒但見
暝色千里來隨人直上高樓端蘆荻蕭蕭風又起夜深落
葉落不止

小娥別余三載矣近頗不見消息再寄長句

出門悵何適滿目盡芳草不見故人來惟見春花老春花
幾度歲月多別時容顏今如何憶昔香車駕初枉握手中
庭秋月朗幽蛩嘯歇寒霜飛野風四起羣木響我心此時
悲蹉跎君未知之呼我歌我歌一曲君戚戚徘徊爲之三
歎息自從君歸長別離春秋燕雁更代飛幾折垂楊無所
贈倚徧碧桃總相思相思出向清溪頭溪上飛花逐水流

述夢

獨夜隱几卧夢落湘江浦湘水去悠悠佇立渾無語忽聞

波濤聲疑是洞庭渚彷彿黃陵廟明妝儼二女江水東流
深君山自終古臨風啟九辯清淚落如雨夢魂忽歸來卷
上溼幾許

詠懷

盈盈高山草寂寂幽壑蘭春風非有異地卑長歲寒我來
采薇蕨對此空吁歎安得有仙術移之向層巒日夕游園
中有鳥西北來飛飛林木間欲棲久徘徊鳥栖尚徘徊人
情豈無猜所以富春翁不共漢塵灰

和蘭岑客中感懷

四望浮雲蔽遠山一身惆悵荻蘆間洪流尙未安徐甸宛
馬何由入漢關萬里風煙人去遠三秋明月鳥飛還思親
況是兼憂國知道愁多鬢易斑

獨夜樓頭悵歲華，秋來無處不堪嗟。
雁驚遠浦離人夢，霜落孤村處士家。
曲院風寒人盡散，虛堂簾捲月初斜。
憑欄更惜籬前菊，枝葉蕭疏尚有花。

風雨篇

春風習習春雨絲，絲出門四顧小草離。
離風雨無情草尙隨時，人生有志而不知。
嗟爾君子何其多疑，非君子疑世路易迷。
豈如草木萋萋無私感，此之故令我心悲。
白雲渺渺志在崇山，非如流水迴環人間泉。
流胡擇雲意難攀，李媿字安子號吏香。
上海人嘉慶丙辰進士，戶部員外。

郎松林女桐城方傳烈室，有猶得住樓遺橐。

詩話安子詩多幽怨，時有女孟郊之目，其父戒之未能改也。後自湛死，弟尙曄爲傳其橐。

桃花

流水垂楊擬若耶
綠陰深處小橋斜
春風不識誰家女
獨立溪邊自浣紗

呈家大人

寂寂柴門鎮日關
吟詩須靜奕須閒
杜陵老去猶憂國
彭澤歸來肯出山
倦把申江收眼底
醉攜周易注窗間
旁人漫說家庭樂
不信年來鬢亦斑

詠雪

呵凍詠飛花
推敲何太苦
不及謝庭人
一語留千古

望家書

自離慈母膝
鏡裏鬢何如
難縮千程水
惟憑尺素書
苦無雙鯉至
倏又半年餘
況是前番札
曾云病未除

懷竹孫弟

聯珠余言 卷一百一十一
身世誰憐早歲孤風塵扶母走長途池塘春草連天碧爲
問行人得句無

獅林借香崖姊晚步

一邱一壑總凌空閒與同懷入此中詩境果然須曲折文
心如是便玲瓏欲題石壁無佳句愛聽松濤待晚風坐久
不知天又暮回看樹杪夕陽紅

方蔭華字季嫺陽湖人嘉慶戊寅舉人閩縣知縣履籤
妹武進湖北按察使趙仁基繼室易州知州烈文母

有雙清閣詩

詩話乾嘉間常州盛爲文章高才相望故閩彥亦最
眾珠壁交映多由家學彥聞萬善花室文傳誦藝林
季嫺固左氏之芬也歸厚子廉使夫婦唱酬時出佳
詠子惠甫州牧中年退居於虞山天放樓坐擁金石
圖書以鑒藏著

和外見贈原韻

春光爛漫去重回斗轉星移幾度催樓上微聞吹玉笛花
間常願共金罍疎梅豔奪三冬雪爆竹聲喧一院雷風景
尊前差可樂拈毫愧乏謝家才

親操井臼未全知不見高堂白髮絲護惜猶思依母日夢
魂尙憶作兒時故山已過貓頭筍小院頻挑鴨腳葵翦燭
聽君談往事敢忘先德自吾師

軒車到處萬民安手種桑麻露未乾吹面不驚風似雪當
頭喜見月如盤好花欲放還微雨春色初來尙薄寒莫道
琴裝蕭瑟甚簾蘆紙閣有餘歡

無端風雨小窗前料峭輕寒著半肩遠路分攜惟有淚深
宵慢憶若爲憐晴芳古道無邊綠壁月中天一樣圓閩海

路遙飛不到承歡猶是憶前年

憶兄

梅花春信遠相聞別意還如落絮紛山隔螺痕頻有夢江
涵雁影記初分裁箋祇覺言難盡學詠何由思不羣此日
高堂應慰藉遙聽百里頌神君

登大觀亭謁余忠宣墓

芳亭猶是古乾坤想見當年碧血痕疊疊江山存浩氣重
重煙水弔忠魂四圍綠樹依神宇千載嗚烏泣墓門江上
叢祠頻報賽知公威德到今存

春日感懷

年來心緒倩誰知一病經旬睡起遲難釋離懷因憶母重
溫舊學試規兒愁中偏易逢佳節夢裏差能得好詩聽盡

廉纖終日雨又堪牆外柳絲絲

悼翠姬

姓王氏先府君側室

堪歎彌留近百朝嚴霜一夕折柔條方期漸漸沈疴愈豈料茫茫泉路遙官舍孤燈悽欲絕旅窗冷月淚難消傷心最是憐征客誰共尊前慰寂寥

癸卯病後作

六月既望後二豎忽來侵日神游房櫳夜鬼窺窗櫺疾來如水火勢急空刀鉞饑飽俱不知魂魄將歸陰兒女繞牀泣親鄰亦驚心豈願重生世一息延至今所望兒成立不妨衰病臨

我初來陽羨百晦如雲集孩提事不知欲泣不成泣苦憂家計空又愁兒難立盡日獨籌量終夜寒衾溼展轉求名

師望汝詩禮習嚴慚孟母機教愧歐氏荻庶幾讀父書篇
幅勞什襲

周之瑛號研芬嘉善人同縣舉人江蘇知縣丁廷鸞繼

室有薇雲室詩

詩話妍芬爲容齋農曹猶女詩與書法皆承家學幼
年卽能作摩篋書得平原永興筆意尤精繪事旣長
適紫篋紫篋宦蘇歷宰劇邑有政聲亦以
善書名最工大草然榜書又遜研芬也

春夜

紅鑪輕撥護春寒一卷騷經讀未闌夜永不知明月上
瞥驚梅影到闌干

送春

東風一夜去瑤臺杜宇聲聲喚不回心惜落花收拾懶捲
簾空待燕銜來

秋日病起感事

蕭蕭木葉逐西風，愁聽蛩吟暮雨中。
元鳥辭人歸海北，白雲隨意過樓東。
病餘眠食都成懶，悟後悲歡漸覺空。
靜看韶華依次改，拈毫終愧未能工。

題黃仲蚪西山記游圖

吳趨山水古無匹，一角西南更幽絕。
靈巖深秀鄧尉奇，環燕由來孰優劣。
名山本待名人游，江夏才子今其傳。
塵區閉置不得意，約客試探千巖幽。
青山鳴禽勸客醉，吳王池館春常在。
響屨廊邊細草香，玩花池畔清波匯。
一望紅亭白塔間，孤高佛日還追攀。
忽驚具區出足底，琉璃冷浸雙煙鬢。
相將更泛清溪棹，何處幽香來絕妙。
吾家山畔桐井東，積雪千條留玉照。
年年梅花春早開，今年二月猶含蕊。

凝冰斂霧一萬樹忍寒爲待詩人來詩人自古多好事似
此清游難忍置已將踪跡付丹青更錄千詩作游記

花朝雨

微風細雨釀春朝紅杏枝頭漸放嬌不惜苔痕黏繡履金
鈴親自繫花梢

秋日漫興

越羅輕袷未裝綿坐傍蕉窗欲雨天藥裏有靈何礙病華
胥無夢不求仙每因易感秋多瘦苦爲耽吟夜損眠欲展
騷經弔湘客博山先爇水沈煙

梅花和尚墓

上智能全歷劫時一坏無恙水之湄梅留傲骨撐晴昊竹
寫高懷認古碑名姓久登高士傳丹青空繫後人思東風

歲歲逢寒食誰踏薜蘿醉一卮

題讀書秋樹根圖

微霜下木末丹黃變庭綠翻風颯高寒清籟散巖壑中有
幽居人曠焉絕塵俗把卷坐林根忘形靜耽讀兀兀千古
心爛爛雙電目道妙一以探神理早涵蓄茂先三十車金
樓八萬軸祕之生蠹魚曷若貯諸腹用舍得自然縱橫洵
是樂先生黃門齋書倉有舊築東箭與南金世譽仍相屬
稽古繼前榮好學眞爲福

夏行曲

欄干疊影迴紋細日炙渠荷紅玉膩蟬鳴樹杪嘒清風魚
躍波心唼花氣葵英碎粉疑墮黃蛛絲織瓦琉璃光溼瑩
沾露飛不起一星慘碧依蘭堂

秋夜曲

蛸蟲織月簾邊影庭露無聲桂花冷涼礎搗夜人未眠風
過簷鈴一聲警流蘇壓幔珊瑚鉤明窗靜對銀河秋空梁
燕去碎泥花落香散金猊黯不收

採蓮曲

生小橫塘住煙波一棹輕年年採蓮慣蓮種盡知名鏡影
淨湖光人面花枝映紅衣薄似儂不耐秋風冷朝來採蓮
處露葉未曾乾欲取珠相贈終憐無定圓折蓮絲繞手根
蒂還牽藕回棹漫相驚鴛鴦此中守

和右巖叔秋夜原韻

夜靜月逾潔翛然意欲仙鐙凝紅豆子香散碧鑪煙蛩語
破孤響鐘聲空萬緣微風一回過落葉滿階前

明時彩言匯卷一百八十九

三

客中秋感

無端作客此淹留
觸緒能消萬斛愁
鄉思望圓三度月
砧聲涼送一城秋
糧空宜學餐霞去
書富猶堪負笈游
聚散年來類萍梗
何時聽唱大刀頭

宗婉字婉生常熟人山西同知蕭瓚北河州判錦炤母

有夢湘樓橐

詩話婉生寄父粵東詩云
椿庭別後嬾吟哦
聊把離懷付短歌
弟幼妹嬌兒自愛
阿孃多病奈愁何
時猶未笄也
家故在石梅山麓
有揖山樓左挹辛峰
右攬言墓朝嵐暮靄
蒼翠可摘
婉生攜弟妹吟詠
其中女弟望之如神
仙泊歸蕭氏所天
不祿嘗教授里中
救母子從之者甚眾
中遭寇難子瓚聞
變趨城冒險救母
晚年就養晉陽賦詩
有云生年七十四
已若風中燭所幸兒
曹輩薄宦沾微祿
晨昏奉旨甘寢處
察寒燠遂令衰病身
舒適無踈跲日漸
能步履開襟看花
竹論者謂甘臨之
報

寄懷家大人時赴伯父粵東任所

聯珠詩集卷一百六十九
三
初離膝下時朝暮常相憶轉眼半載餘中心更悱惻翩翩
空中鳥欲飛有羽翼薄薄天上雲欲行仗風力身非鳥與
雲飛行不可得思親在異鄉迢遞隔南北有女在晨昏不
能視顏色迢迢客路長渺渺江流直兒身恨難隨兒心在
親側手緘一幅箋心盡數行墨

春曉

一簾紅日曉光浮簾外東風響玉鉤半掩畫屏人未起似
聞鸚鵡喚梳頭

夏夜登小蓬萊閣同麗生二弟晉作

近水花如夢當窗樹作屏玉簫閒一弄夜氣忽吹醒衫薄
縈香霧鬢低墜素馨隔牆誰笑語扶月悄然聽

感示兩兒

半生辛苦母兼師朝課經書夜課詩但得汝曹能努力餘
生終有展眉時

漢宮瓦硯歌

千年古殿生蒿萊瓦礫變化成良材文房珍翫何足道盛
衰貴賤亦幻哉誰人作硯供書契云是帝鴻古遺制琢玉
奇珍祇飾觀澄泥別樣誇新製辟雝風字古樣鐫合歡秋
葉新題籤小者文場便懷袖大者椽筆揮雲煙硯材百種
此尤寡陶質蒼然古而雅問年神雀五鳳初託地長生未
央下當年立仗覆千官此日抔泥出寒野良工琢付識者
藏摩挲日久騰輝光儲以水晶琉璃之寶匣配以珊瑚翡
翠之筆牀更聞此硯能發墨濡染淋漓殊自得凹處猶餘
土蝕痕中央已沒苔花色君不見玉龍金鳳銅雀臺於今

無地無塵埃又不見離宮別館三十六望裏莘莘走麋鹿
羨爾猶存歷劫身芸窗珍重伴詞人他時攜上通明殿書
徧吟毫五色新

湘繭合彙刊成鐵雲妹婿貽余以詩過蒙推許疊此

奉酬

爭傳忠簡舊家門虛譽何當眾口喧閨裏季方元不櫛篇
端伯氏敢居尊棗梨略誌平生槩棣萼同懷罔極恩

先慈錢太

宜入詞彙今亦節錄刊入

從此盡填諸缺陷百年長熱瓣香温

壬戌四月偕粲生妹北上留別書君女甥

去去難爲別行行思更深滄桑雖屢變桃李尙多陰他日
故鄉返仍期舊誼尋一椽還共卜歸老遂予心

宗粲字倩宜一字苴生常熟人長洲陸清泰室有繭香

館吟草

詩話倩宜為婉生妹適鐵雲多寄外之作翁松禪稱其詩渾脫恬雅非雕績點染者所能知品格於中晚唐為近婉生題其稟有云人原兼福慧婿更稱門楣家世同雙陸文章冠一時班香仙館藹江管玉臺施蠶製同功薊花栽連理枝有時還刻燭無夕不裁詩蓋鐵雲亦工吟詠也

刺繡

春日正遲遲當窗理彩絲鴛鴦慵不繡祇繡女貞枝

雨窗

晚雨正瀟瀟紅窗坐寂寥雲低天在宇風急水如潮硯喜螺香潤鑪嫌麝炷消卷簾頻望霽花事恐蕭條

揖山樓漫成

小樓一角敞雕檐檐際嵐光逼鏡奩生怕秋山來笑我妝成纔敢卷珠簾

落葉

秋氣乍蕭森
天涯落葉深
西風數行雁
暮雨幾家砧
黃密埋荒徑
紅疎露遠岑
惟留松與柏
蒼翠自成陰

敬讀慈親繡餘遺橐

挑鐙細讀繡餘詩
字字清新字字悲
多恐一緘紅豆子
還從南雁寄相思

嚴君游粵數年
集多寄遠之作

綠陰

江南春已老
綠葉展芳林
幾日落花盡
連番新雨深
窗中人似夢
簾外晝偏陰
偶向迴廊倚
沾來翠滿襟

焚香

簾外月華明
焚香小坐清
博山鑪裊篆
縷縷是儂情

別燕

畫梁無意更淹留
輒向西風話別愁
寄語明春休誤認
杏花深處小紅樓

游破山寺同鐵雲作

隔谿現琳宇
攜手恣幽尋
泉響細通澗
竹陰涼墮林
煙雲晴藹藹
鐘磬晝沈沈
偶向禪關憩
頓消塵世心

謝婉生姊贈蘭

生平愛種梅
與蘭梅花易種
蘭花難相思
萬斛消不得
惟餘清夢縈
湘干涼風驀地送
香氣美人空
谷來姍姍一枝
親向膽瓶供
對之喜動雙眉
端名花本推國
香首贈花人
更余相歡憶
從古梅林下
別遙通音問
惟青鸞芳蹤
相隔心不隔
貽我秋佩清
芬攢見花如
見玉人面
無言常向妝
臺看

龐書君女史惠贈紈扇詩以謝之

桐陰如水環階清
秋雲壓住簾波平
碧空飛下一輪月
虛堂颯颯涼風生
是誰翦出齊紈潔
素影團圞傲霜雪
半施彩筆半金鍼
烘出嬋娟真麗絕
扇中美人好容華
贈扇人亦嬌如花
海棠姿態梅風格
壓倒羣芳絕代誇
感君宛轉雲情重
未曾識面先承寵
一握綢繆寄合歡
攜來直當瑤華奉
招涼徒倚綠窗前
望斷銀河渺渺天
寄語西風休報冷
秋涼忍向篋中捐

七夕寄外

寶鴨香燒裊細煙
一彎眉月露嬋娟
愁心似草鋤仍茁
病骨如花瘦自憐
多恨人偏逢此夕
有情仙祇別經年
雛兒解向雙星拜
助我相思更萬千

題沈竹齋太守夫人慈暉館詩草

文字流真性難忘白髮親年華花信短才調玉臺新珠佩
杳如夢錦囊空自春僊郎腰已瘦披讀更傷神

吳蘭畹字宛之常熟人宜興拔貢浙江巡撫任道鎔室

有灌香草堂初稟

詩話宛之祖母張孟緹女史為翰風大令之長女有
淡菊軒詩行世宛之幼慧受教重闡誦漢魏人詩咸
能會悟比長耽吟好學浣花並習分隸撫南田畫本
于歸後燕寢唱酬人稱韻事而宛之痛親憂亂語多
傷感周小棠通政家楣序其稟謂情難
境易怨比歡多斯足狀女子之善懷矣

秋聲

冷雨敲窗清夢溼洞庭木落怒濤生疏砧靜搗天邊月羌
笛愁聽塞外聲漢上風雲寒鼓角江間波浪走蛟鯨何須
更作悲秋客四壁蟲聲已不平

寒寺

蕭疏楓葉護雲林
蘿壁荒涼朔氣侵
幾杵霜鐘驚客夢
一龕燈火照禪心
西風鶴唳空壇冷
殘月烏嘯曲徑深
雪滿山中無蠟屐
掩關寂寂夕陽沈

清明

彈指光陰百六時
故鄉景物轉淒其
碧桃影裏停游騎
紅杏村中認酒旗
細雨樓臺飛燕子
春風簾幙囀鶯兒
不知此日關門柳
羌笛聲中餘幾枝

雨夜不寐

風雨悲搖落
瀟瀟警客眠
愁心千里碎
孤夢五更懸
獨醒知何恨
餘哀轉自憐
縱橫燈下淚
流不到重泉

幽夢太無憑
傷心獨拊膺
沈陰壓樹黑
殘燼背燈凝
地下

魂應老人間恨未勝空餘遺象在色笑痛難承

遣懷

飄泊忽千里浮蹤鄂渚邊角聲寒落月江氣接荒煙鬼哭
無新舊烽飛歷歲年承平應有日淚眼向秋天

卽事

魏絳和戎策時危未可論風翻西苑火塵起禁林昏北極
星辰遠南天盜寇尊安危仗長策何日轉乾坤

雜詠

俯首一長歎仰首悟太清萬物各有司今古徒紛爭嚴霜
摧百草松柏鬱空青陰陽倏變化風雨勵晦明馥馥幽蘭
姿寒谷隱其馨藹藹君子堂蕭艾莫縱橫豈無媚世容所
寶在榮名

聊齋志異卷一
攬衣涉太行搔首窮八荒上有青青冥下有壘壘岡鳴鴉
嘯我前虎豹嗔我旁迴風振山谷傍徨摧中腸欲舉苦無
翼神魂馳遠方浩歌復長嘯哀衷鑒彼蒼萬古同一轍何
爲自悲傷

寒衾不能寐靜夜援鳴琴孤月皎中天清風激素襟元鶴
舞瑤階丹鳳和遙岑幽蘭與白雪泠泠太古音歌苦調自
高識者賞其忱伯牙遇子期千載契同心茫茫此天地曠
世獨悲吟

人生若輕塵爲樂苦不早榮辱同一瞬勞心徒慄慄既無
子晉術又乏忘憂草良辰豈云再愁思令速老志士寶其
名庸人工其巧試問蕭艾姿安知松筠抱

送別

去去不可留清淚沾胸臆今夕斗酒歡明日分南北君行
日以遠我心日以惻豈獨離別傷轉念孤征寂舉目童僕
親搔首骨月隔野店孤燈青輪蹠曉霜白念此迫中腸盡
夜難安席願言加餐飯善保軀金石

游玉泉山寺和夫子作

玉陽多勝事鷲嶺快登臨塔聳風煙古山空花木深飛泉
懸峭壁清磬答遙岑智者安禪處蓮開月滿林
萬籟肅羣慮蒼涼梵宇開高歌動日月虛壑隱風雷斷碣
空陳跡收樓賸劫灰靈巖秋寂寂遺恨沒蒿萊
搔首涉峰頂江山一碧浮淒涼今夜月蕭瑟故園秋鶴唳
驚殘夢猿嘯起暮愁丹砂如可覓還伴葛仙游

宿樂鄉關

甘載萍蓬跡勞勞續舊征乾坤猶浩劫花木冷春城風勁
波濤怒村荒禾黍平殘山餘落日歸鳥覓林鳴

永夜

永夜不成眠徘徊繞蘭室爲歡未多時鬱鬱憶疇昔征雁
帶離聲居人心斷絕去日霜雪寒今時楊柳碧關山隔言
笑魂夢徒飛越寸衷苦難達相思兩無極皎月鑒薄帷青
鐙照幽咽六翮振何時恆悵此遙夕

家書忽至眷屬以中途梗塞暫居越城次夫子韻

惆悵鶯花夢裏過滄桑不改舊山河乾坤滿眼風濤闊湖
海驚心浪跡多千里白雲淒遠日九秋零露冷煙波淒涼
故國憑誰問一樣愁思寄詠歌

多敏喜塔臘氏字惠如滿洲旗人漕運總督松椿室寶

康母有逸菑閣遺詩

詩話惠如讀書通大義善論古今成敗得失獨不輕言詩恆謂詩者士大夫之餘事非婦職所尚爲之不易工工亦未必傳幸而獲傳寥寥數章雜廁方外前其專集行世者千百不一也其持論如此故作詩多棄去祕不示人歿後其子寶康蒐得叢殘手彙梓以行世寶康篤雅能文好藏舊書惠如有示兒詩云勤勗汝曹植根柢幼年何可近疎狂蓋母教有由矣

題茗溪女史秦淮秋柳卷子

憔悴煙痕水閣頭
娟娟涼露怯深秋
舊時枝葉凋零盡
寫出西風一夜愁

行路難

雕輪馬足秋霜深
天荆地棘驚羈心
羈心幽迴向誰訴
南轅北轍多沈吟
西風一夜歌歸去
桑柘依依釣游處

秋夜卽事

羅衣脆薄水天涼小閣寒圍一夜霜曲徑竹陰頻閃月疏
簾花氣暗添香倚窗夢短憑秋續翦燭書慵況夜長病怯
東風了無寐漫隨鐙影繞迴廊

冬日卽事

寒色逼虛幌深閨暮掩門墮來涼月影寫出晚愁痕永夜
鐙疑雪微煙夕斂昏不須嗟縞袂金鴨手重溫

春雨

曉來霏細雨苔蘚暈寒青涼意圍羅幕幽人愁未醒

春日有感

贏得春如許窗環六扇紗眉痕織月影病意小桃花紙樣
裁衣薄珠華亞鬢斜閒中看露葉弱影不勝鴉

春閨雜詠

琉璃屏敞掩采恩嫩雨輕寒二月時最是閒愁磨慧骨一
枝香雪一牀詩

春到亭林景物霏如煙小雨點苔衣幽禽向晚歸來急卻
傍垂垂花樹飛

三分水竹二分居碧玉苔紋暈綺疏一瓣拈花參佛諦天
龍八部讀禪書

燕子風前趁午賒海棠低映茜窗紗蜘蛛也解留春住一
角晴絲冒落花

秋詞

露砌獨立幽花侶秋蟲噉寒夜深語棱棱風厲薄羅衣繞
徑尋詩來復去方塘一夜西風緊苔點寒青鶴知警曉起
微吟蓮葉東滿池荷芰紅衣冷

勺園春步

春厓九曲伴煙霞
喚夢寒禽繞屋斜
幾處淺雲殘雪徑
忍寒獨自折梅花

三月十五日

夜色涼如水杏花寒不寒
詩魂牽一縷繞徧曲闌干
衣薄秋同樣窗虛月共看
小鬟閒偶語似亦悵春殘

出都卽事

馱夢輕車出鳳城
曉風頻點客衣輕
炊煙竹屋看晨饅
帽影鞭絲趁午晴
草色半搖迷遠道
花枝低亞笑長征
二千里外江南地
纔度燕南第一程

驅車曉發走春泥
夾岸風微柳絮低
天暝馬嘶芳草地
午晴人過綠楊隄
數聲嘯鳥花三月
幾箇浮鷗水一谿
未識

今宵何處宿漸看斜照出林西

過永定河

曉日風塵暗披襟乍覺寒關山詩句瘦風水客行難波影
自明滅煙痕故曲盤長安回首望雲樹渺無端

趙北口

曉風吹徧柳花低露葉煙條一翦齊十二闌干陂水漲碧
玲瓏唱酒帘西

濟甯舟中

迢迢水國數千里夢逐寒雲過江水東風雨雪曉濛濛一
葉往來溼煙裏

微山湖夜泊

一枝柔艣渡蜻蜓酒畔離騷讀未停明月欲殘偎樹白湖

山破曉入船青自憐病骨禁宵坐最怕春寒襲夢醒試取
瑤琴彈一曲恍疑篷底有龍聽

露筋祠

椒蘭玉座拜神儀水驛孤船夜泊時三十六陂秋水夜流
螢青閃小姑祠

高郵道中

蟹社湖邊路舟行一葉深蘗鑪諳病骨經卷懺愁心水國
牽幽夢山靈笑苦吟隔花聲細細對面有春禽

小摩訶館閒坐

摩訶閒館靜吟詠意何慵山石圍三徑秋雲幻數峰瘦疑
花是侶寒促酒先濃滿眼蘅蕪色撲人翠影重

苦熱

池荷送香氣露坐判微涼歸鳥急高樹幽花明夕陽室霉
搜蠹簡草細蔓蛇牀辟暑愁無計難尋冰雪方

游金山作

水晶簾外絕塵氛鈴語隨風下界聞小閣窗寒微有樹長
江天遠不留雲春衫羅薄依松靜秋舫燈明隔水分拈筆
刻厓記游跡下山歸徑入斜曛

夜坐梅花下口占

吟魂直欲化秋煙瘦到梅花骨亦仙扶病不禁春似水耽
詩卻愛夜如年雨沈水閣蟲吟老木落吳江月影圓貪看
一枝斜入畫翦鐙裁句不成眠

八月十三日坐密倩精舍

月華如水涼庭階花葉警夜風冷然來零亂海棠影

幽夢任風吹踏花來復去天曉夢初醒寒蟾猶絮絮

濟甯舟中

一葉輕舸趁雨餘水紋圓活結渦初雕文髻几閒安置半
供梅花半載書
艣聲孤泊野橋西一角微風颺酒旗應有網魚吹水上柳
花隨雨點前谿

鈎弋夫人小印歌

玉鈎冰筋棱棱起故印珍藏識天水

印有子昂珍藏四字

照人顏色

黯人魂頽粉零香漢宮史綠綈自署昭陽春倖仔故是拳
夫人金屋沈沈阿嬌老河間靈氣鍾其身秋風荏苒君恩
歇秋葉哀蟬響嗚咽莫問當年堯母門摩挲鴛石眞愁絕
雲陽西去女君亭一樹梨花冷曙星只恐茂陵松柏裏空

餘石馬嘶冬青

尋詩

一抹斜陽駐碧墀
平闌斜倚立多時
梨花庭院春如雪
會得襄陽五字詩

從靈光寺至祕魔崖

筍輿作蛇行人來
山腰裏一峯復一峯
青青伏還起寬處
若掌平仄處僅容趾
忽然來雲中忽然行
澗底路繞祕魔崖
石磴更齒齒勢欲蒼
冥齊羣峯未可擬
俯視下城郭羅列如屏
几酌酒對山靈
我行殊未已

游西山

裊裊向西崦曲徑非
一曲諸峯送寒青
遠樹拂輕縠回望
高崖雲無心遠相逐
時有微風來吹雨
灑幽竹久立石級

寒秋色益蒼肅樹杪澈清梵經堂見幽麓稍自理蠟屐行
將悟金粟蕭然空塵思四顧悄山綠
昔年虎阜游秋葉聞幽蟬今來寶珠洞春淥流溪泉靈碣
龍象寂紺壁蠟蛸懸岡巒窅然深竹樹何便娟攬衣造絕
頂憑弔懷豪賢巖厓漱墨留妙蹟疑神仙文字竟終古豔
黓茲山巔鈴鐸自相語松濤驅暮煙歲月有代謝古今徒
慨然

與素芳女弟子論詩

何必論唐宋詩原寫性靈遣懷明似月落管燦於星語奪
千山綠思澄一水青只今誰作者空緬舊儀型

深秋感懷

西風將夜氣秋夕一何長月渡鵝兒水詩吟燕子霜衣輕

妨砌露簾細隔鑪香蕭瑟芙蓉渚離懷感欲傷

龍么妹詞

弓刀小隊花如雪英雄兒女真奇絕良玉曾聞樂府篇蘭
珠爭誦才人筆丁香小幄明春華游龍使女出龍家肌膚
妒雪眉欺月窈窕生香海外花小姑獨處菱枝弱姓字薰
香護花葉不將眉黛鬪星妝自有功名望雲閣絳袍斜買
丁香繚不喜珠華喜寶刀書開祕笈親軍事令下如山不
動搖日將騎射教姝麗粉膩脂香三百騎瘴地蠻天任指
揮雪劍霜矛精擊刺昔年小醜生潢池碧雞無聲金馬癡
名城夜陷官偷活冷月宵熒鬼守尸王師驛騎流星急熊
羆十萬分馳入銅鼓邊城擁護勞鐵券家聲宣慰襲阿兄
意氣如雷巔連環雙稍黃金韉錫封自號百蠻長象犀遠

明華雜言卷一頁一
貢元和年龍么小妹金閨彥妮嬖將軍經百戰星舒猿臂
竹枝弓秋暈霜華楊葉箭白蓮妖孽陣雲涼鬪體夜泣天
傍得羽書一紙星火急檄催猺勇毆天狼阿兄抱病經秋
苦阿妹從容請纓去芙蓉舊部領蠻奴鬪虎兵符照勁旅
掃眉傅粉女兒營沈沈刁斗春無聲羽旗影颭鴛鴦疊繡
幕香圍翡翠輕永夜談兵翦青燭龍孃妙計羣酋服白頭
老將空咨嗟蒼鷲游軍盡懾伏猺中妖女何娉婷嬌雲燄
燄雄風腥七聖刀飛古雪白天魔袖舞枯魂青將軍血戰
戰未已娥眉報國誓以死三千銅弩射無聲八隊雲旗勢
如駛人龍馬虎踏營空捷書早報甘泉宮若從諸將論勳
伐屈指龍娘第一功翩翩孝廉舊入幕曾見猺仙話親故
綠字雙箋贈客詩朱絲一角迴文賦當時佳話人傳揚至

今香塚煙水荒詞成自醉梨花酒蠻雲不語天茫茫
王甥植字伯穎江陰人季芝昌室有茗韻軒遺詩

水窗夜坐和外子

遙林微抹暝煙生雲與澄心一樣平便是共君消夏處棗
花鄰院晚香清

春愁

紫燕銜花入小樓東風鎮日逗簾鉤柳眉未展絲千縷不
繫春光只繫愁

蓮蓬人敬次母氏韻

通靈骨相半衰翁休悵繁華似轉蓬香粉生涯歸淨界綠
房辛苦到秋風前緣或者如來座獨立依然君子風且共
種花人徙倚銜杯珍重鄭家筒

悟後

掃除煩惱卽清涼
看淡榮華憶故鄉
愛網解時疑網脫
塵緣悟後道緣長
篆紋成字天然勢
茶味回甘自在香
欲喚夢中人早醒
拾薪先爲煮黃梁

潘煥媿字伴霞羅田人知縣煥龍女兄諸生郭時潤室
有漱芳閣詩鈔

寄綺青浣芳兩妹

料侍高堂養團圞
樂不支嫂賢殊勝姊
兄友可兼師
夜月花干樹
春風酒一卮
憐予定相憶
曾否有新詩

上巳小雨

山光潑翠水拖藍
此日人家話養蠶
柳絮桃花春九十
雨絲風片節重三
鶯藏葉底黃都溼
蘭采巖中綠正酣
天氣

釀寒微送冷庇身猶覺薄綿堪

小游仙

綠衣騎馬色無倫玉蕊開時豔照人
天上名花多異種問渠何事愛紅塵

天廚肴饌自來精鳳脯麟肝玉碗盛
偏是兒家甘淡泊只茹芝草兩三莖

萬樹仙桃結實稠園中金鎖付予收
昨宵阿母殷勤屬莫遣東方得再偷

吐飯成蜂驚抱朴唾盤爲獺說樊姑
漫將狡獪矜奇術我亦能拋米作珠

陳寶四字箴史承德人文登王者政
繼室有蜀道停繡

草

詩話春勗夫婦並覽古今人詩箴史尤彊記過目成誦其詩眺賞幽邃氣象豪放絕無閨閣纖弱之習

綿州早行

白露猶沾草晨光漸上時亂雲低欲墮小雨暗相隨野色連修竹秋花卧短籬四圍山盡瘦寒溜正澌澌

鳳嶺

舉步躡朝霞凌空越飛鳥排天萬仞高極目青未了中有巢鳳處一峰瘦更好雲岫互吐吞幾莫辨昏曉颯然長風來山深秋先老

張常熹嘉興人舉人廷濟女海甯查世璜室

唐聚慶墓誌輒

幼讀周雅詩聚子識希姓今讀唐誌輒聚君厥名慶君籍本秦中來禾世已更卒葬依祖墳也合首邱正誌文不支

離無取詞鋒橫書者不著人樸質筆破硬想見幽竈藏沈
霾九泉逆文字顯有時會逢農耒柄蠟澤與苔華純黝光
交映歲暮繡帶停裁箋發短詠無異碑生金不敢甄磨鏡
一笑豔妻箋何事別毛鄭周十月詩鄭以爲刺厲毛以爲刺幽

陳文瑛字素珍會稽人道光癸巳進士同知光緒女施

燕辰室

詩話素珍少時與夢玉唱和之作爲時傳誦遂祕不示人性整潔教子女有法度長女桂芬字詠仙適山陰王蘊齋雌尹亦能詩

盆梅

移種向幽林香凝碧缶深賴君邀月影使我滌塵襟小貯
雪霜節遠關天地心一枝春已足窗外覺寒禽

全璞號輝山金谿人宜春胡光瑩繼室有全恭人詩集

詩話輝山博學能詩詞尤工小楷遺詩一卷附竹泉山房集後

偶題

月夜靜如何光陰迅速過病從秋後覺淚向夢中多惟憶音書絕無心笑語和迴看簾外影風葉正婆娑

金鴻佶字淑芸秀水人温州府教授行宗女同縣諸生

何長齡室

詩話淑芸為岱峯教授第五女詩附見教授集中教授有送第六女歸南潯董氏詩曰在家已少母為師婦學于姑亦苦遲荆布留遺早無贖藿鹽料理幸粗知纔吟騎省望廬句又和蘇州送女詩他日扁舟還過訪醉余薄酒定盈卮蓋淑芸之女弟也

梅花依家大人韻

南枝春可到一白浩冰霜有色標孤潔無心鬪淡妝寒驢誰踏凍瘦鶴自眠香欲下玉階折天風縞袂涼

華氏寶應人劉寶圖室

詩話華氏歸義則夫婦皆能詩義則隱於酒華氏事之甚謹及義則卒遂屏棄韻語舊稟慙存詠物極有思理詠螢詠香皆自寓身世節概凜然

螢

自信微明在秋來委砌傍在生同腐草沒後有餘光

紙鳶

借得東風力無端生羽翰一絲通綫索誰不仰頭看

秋扇

篋裏深藏得自完人情冷暝一何歎勸君切莫輕拋擲留待春回另眼看

香

解穢除煩豁性靈玉鑪風細繞彤庭最憐寶鼎煙銷後身

巴成灰氣尙馨

劉汝藻武進人大學士諡文恪於義曾女孫無錫楊陞

葵室丹徒訓導紹基母有筠心閣詩集

詩話汝藻早寡以節孝著其論詩曰閨閣詩性情爲上音節次之才華又次之人服其正

思親一首寄呈大姊

秋雨兼旬久水溢芙蓉塘芙蓉波淼淼別緒與之長昨夢
游九峯巖親勸加觴慈幃欣促坐笑語殊未央醒來一歎
息落月滿屋梁憶昔別親時牽衣斷人腸提挈荷親恩鏤
骨深未忘涼秋屈九月節序記白藏空庭木葉脫微風發
清商霜威搜北窗露氣侵西廊親年已垂耄曉寒襲帷裳
遠別心耿耿含悲淚浪浪伯兄登龍門仲兄貢玉堂膝下
更無人誰爲感冰魴幸賴吾姊賢差能奉壺漿雲間足珍

味鮮肥產江鄉，柳湖風浪闊。鱸魚巨口，張更兼華亭舍葦。
菜綠含芳，甘脆粗足，供所願亦已償我。今隔梁溪，陟岵心
所傷。願親賜尺書，河鯉遙相將。潮落薛澗，湖煙波浩茫茫。

采蓮詞借伯嫂分韻同作

吳姬采蓮漾銀塘，打槳驚起雙鴛鴦。鴛鴦飛散入遠沚，干
柄紅蓮綠雲裏。綠雲覆渚菡萏秋，花開出水過人頭。過人
頭入花去，棹謳一曲不知處。折得蓮花笑語歸，香風一翦
吹羅衣。

有感

身世茫茫萬事非，歌殘黃鵠淚頻揮。休題舊恨添眉皺，莫
放新愁減帶圍。荒院小，獨迎客，吠空倉。飢雀避人飛，韶光
瞥眼春如夢，怕檢箱中金縷衣。

莊盤珠字蓮佩陽湖人舉人吳軾室有紫薇軒集

詠晉史

鐵鎖消兵後羊車縱樂時兒癡原果報婦毒竟流離荆棘
銅駝泣風沙石虎移百年征戰裏何地不瘡痍

鎖瑞芝字佩芬錢塘人舉人吳兆麟室有紅薔吟館詩

草

詩話佩芬幼有至性習禮明詩年十二侍父疾晝夜
誦經默祈神佑父卒母過哀致疾劇復焚香籲天願
以身代封股和藥以進母疾遂瘳既長侍奉不離跣
步及于歸以孝其親者孝舅姑曲意承順能得歡心
湖上觀晚霞

畫圖互天際倒壓長橋影空舟掠波來沙隄一千頃微風
吹澄湖夕陽歸遠嶺逋仙在何許紅梅夢初醒隔岸有芙
蓉娟娟媚清冷狂吟小謝詩不羨瀟湘景

荔支香新歌曲

海棠初醒華清睡錦繡長生供遊戲荔支香裏按新聲風
流爭說唐皇事唐皇舊事說難詳別院離宮樂未央閒卻
翠釵空貯盒拋殘紅豆欲盈箱金盤顆顆呈佳果雪質冰
肌看磊砢玉兒嬌韻兩無雙剝鮮笑卷珠簾坐梨園子弟
試輕喉一幅綾綃十斛愁唱到生辰新製曲六宮無語盡
低頭人生悲與歡相續左車動搖病已伏芳樹移來南國
輕涼風吹到西頭促霓裳羽衣舞且歌封事飛傳喚奈何
恨殺李楊雙相國君王妃子別愁多漁陽鼙鼓紛紛起珠
沈玉碎梨花死黃泉碧落兩茫茫空傳名字留仙史吁嗟
乎側生當日翠眉開擾擾紅塵弔馬鬼關內六軍陪輦去
嶺南一騎捧盤來

花朝口占

曉日遲遲露未收，紅綃翦綵祝添籌。
二分春色催新句，一片花魂寄遠愁。
畫扇煙凝楊柳岸，瓊簫聲喚木蘭舟。
妝成小坐簾初卷，乳燕蹁躚傍玉樓。

題自憐待月湘簾下，銀燭煙多怕點燈。
詩意便面天風颭，颭起銀河但覺簾陰次第過。
曾記梨花時節雨，西窗翦燭夜寒多。

明明花影畫昏黃，翠減脂輕耐晚涼。
羅袖斜欹團扇薄，碧欄杆外話南唐。

凌興鳳字清湘衡陽人譚積林室有清湘樓詩集

詩話清湘農家文好讀書適譚後助夫力耕翁與夫相繼歿有豔其才色者競以利誘姑迫清湘改嫁清湘願立嗣守志誓死不移姑誣以虧節控之官抑鬱成疾遂絕粒死其兄檢篋得其手寫清湘樓詩集並

和血淚書集後文一篇因訴
諸訟庭得昭雪置諸人於法

從夫耕田魏家町

郎種桑麻妾種花種花未吐預收麻麻功甫畢花應吐每
到花開不在家

七夕

三更漏徹忽生愁玉鏡高懸十二樓不向天邊親織女敢
從月下拜牽牛

宗桂字秋丹會稽人知府聖垣女孫知縣霈女稷辰女
弟游擊史鵬室有秋爽亭詩鈔

詩話秋丹早寡
家貧不廢吟詠

對月

一片白如水清光萬里流漫懷今古事極目海天秋露溼

月中樹笛吹雲際樓坐深渾不覺心與共悠悠

秋陰

秋陰寥廓景淒淒衰草荒村望欲迷黃菊閒開籬落外白
鷗靜立板橋西浣衣日暮礎猶急防埃煙銷壘漸低最是
離人蕭瑟聽昏鴉頭白不禁嘸

冬日偶成

畏冷每常高卧愛閒懶學塗鴉鑪火守如丹竈殷勤自煮
芽茶

妝罷焚香小閣幽窗寂寂陰晴不解夕陽何處但聞日午
雞鳴

宗梅字古雪一字壽薌晚號鹿竺霈女同縣知府王慶齡
室有六竹居詩草

明詩彙言四卷一百八十六

四

詩話古雪性孝詩多思親之作躬恥齋文鈔有王君室宗氏恭人墓版文

零陵旱後喜雨呈家大人

日日倚山樓望雲作甘雨今朝雨應時商羊快飛舞喬柯
翠滿簾新苔綠侵戶硯牀潤斑暈茶鼎含煙縷齋居且欣
賞況在農與圃因思月餘來虔祈仗嚴父民歌保赤誠明
神果心許時邑民具呈稱誠求保赤云弱昧亦何知解喜豈能語敢效
喜雨篇歡顏慶庭廡

悼女芝馨

芝城生弱息命名託瑞草二齡湘上歸尙未離懷抱毀齒
粗識書古誠聞婦道束髻漸工繡夙慧悟天巧頗喜性格
溫足稱善心窈靜者理宜永素謂必壽考豈料喬松根反
同朝菌天問名成幻緣離塵憐苦惱枉勞十八秋辛勤爲

持保珠沈掌誰撫淚落心似擣頰去恐母傷瘦言業債少
無因或有因此義豈能了曷慰兩重慈膝前念幽渺尤恐
汝父知天涯增慄怵呼芝芝不應形消影同杳獨坐一鐙
昏霜烏起林杪

春雨

卑溼重湖地連朝雨未停山涵千態綠水漲一痕青宿霧
籠沙岸浮煙幔遠汀小齋無箇事閒自試茶經

新月

素娥新出貌掩映照池塘不識清輝影心疑月有雙

宗慶字韻卿會稽人稷辰女青田端木百祿繼室有古

歡室詩橐

詩話韻卿幼承家學唯好詞翰于歸後孝事
衰姑賢聞戚鄰夫亡教子讀書為一夔之儔

南田移居

枯蒼舊隱一年餘爲愛南田此卜居野徑鋤雲添小圃山
泉分溜入新渠衡門僻靜堪消暑空谷幽深自結廬數片
桃花春後水無端招得武陵漁

移家宛在白雲巔寫入吟圖逸似仙
棐几橫琴延月榭春風歸棹載花船
泉香最愛烹茶飲地僻偏宜選石眠
綠滿空庭經雨後階苔處處綴青錢

松門杉磴翠陰斜占住名山亦足誇
宿霧初開盤谷樹春風遙隔鏡湖花
田園冷落淵明宅池館幽閒小謝家
獨坐竹窗誰破寂聲聲唳鳥自相譁

勞淑靜字岫娛善化人雲貴總督諡文毅崇光女長沙
工部尙書徐樹銘室有蓋篋貽芬集

聯珠詩言 卷一百八十一
詩話岫媿早傳詩教性至
孝以母喪哀痛成疾卒

槐陰玩月

靈蟾濯魄金飈涼玉鑪
蕪罷篤耨香瑤階淨拭
疑鋪霜紫蕉爽挹槐花
黃絲槐古株年壽長濃
陰翳厯搖青蒼幽人歌
詠聲琅琅銀漢不隔天
紅牆

張夢龍字靜齋湘陰人嘉慶辛未進士學尹女衡山陳
士源室光緒癸未進士長治知縣毓光同知毓昌己
丑進士翰林院編修漳州知府嘉言母有柏心堂遺
橐

詩話靜齋博通經史工書善琴夫歿盡焚唱和之作
其誠子四言詩有云天道不顯人心可求所見遠矣
燒詩

汨羅江上一女子生來二十九年矣文章牢落苦無成滔

酒歲月看流水憶昔兒時喜讀書操治簡策若蠶泉先公
經術壽日月茫茫滄海失涯涘自陳榛棋執中饋墨守膏
肅百不理夫子論詩獨遑躁蒼龍出沒天河裏書窗諷詠
有倡和往往駑駘隨駮駮貞松百歲連枝葉庶幾文字共
終始豈知人事倏變遷羸者未亡壯者死黔婁先生終有
諡柳下大夫何須誅孤兒頑穉須教誨舊經重繙頽有此
惟有詩稟不可讀使我徒增忉怛耳呼兒爇火摧燒之長
向九京伴才鬼

口號

痛極疑非痛悲深似不悲無端腸斷句刻刻上心來

發衡山縣

默默辭里閭漫漫卽長路長路渺何許寂歷秋江樹江行

日逾邁虛覺晨昏度中坐愁暗生欲遣不可去吁嗟風木
哀側塞牛衣故失怙獨何辜不天誰與訴暖彼重泉下幽
陰永朝暮悄然孤懷深遂矣沈憂痼眾雛環我嗝願之淚
如注嬌嗔不肯卧欲怒未忍忤棲鴉起寒光假寐旋自靡
傷哉兩大間撫事若流寓

蒲帆乘曉風策策如飛禽歸甯既適願胡爲愁苦侵念我
垂白母悲女常傷心九載不得見憂思獨難任此行將遠
懷慰此離別深弱弟能承歡天真抒素忱聞姊近且歸高
齋掃空蟬焚香或默坐竟日惟悄悄浮生感餘息灰敗猶
枯苓定省闕晨夕鬱鬱曾至今安得縮地方瞬息歸故林
不聞榜人婦鼓柁揚哀音

夜過長沙

秋水茫茫秋月白扁舟一葉過長沙十年離別悲風火兩
岸蕭條賸荻葭不信浮生如此幻相看何處是吾家寒鴉
哀叫游魂哭坐倚孤篷百感賒

次韻謙之聞雁見憶

廓落不須憂乾坤放膽游浮生誰百歲詩事獨千秋兄弟
關山遠江湖戰伐愁忽驚來雁意嘹唳暮雲頭

題張孟緹夫人澹菊軒圖

老圃秋心澹若此聊持健筆洗霜華當年唱和留高詠今
日風微擅舊家何必齊眉都白髮由來晚節屬黃花籬東
自寫幽人意瑟瑟金飈夕照斜

枯藤

荒園有枯藤歲久根亦朽土潤斑斕雜荆棘網絲斷續傷

塵垢當時青葱蔽雲日虬怒龍蟠復何有乃知榮達出夤緣時過勢孤難自守豈無甘瓜佐盤饋亦有蒲萄足杯酒所生所出皆見用老廢空令習粗醜雪凌霜欺曾幾時中心已死誰能持君不見亭亭骨立摩雲樹萬歲千秋猶得支

言忠貞字靜芳常熟人昭文道光戊子舉人揚州府教授施震福繼室有話兩樓詩草

元旦

紅燭光中度歲除雲鬟略整不須梳清晨獻罷椒觴後仍對梅花讀古書

外得海門校官赴任半月音杳感成

宦游敢惜受風塵此去天涯正小春海上潮聲驚客夢閨

中鏡影瘦離人程非千里音何杳日似三秋語始真莫怪
相思曾化石偶然分手已傷神

風阻

隨宦寒冬海上游停帆薄暮感離愁潮原有信迎來客風
若多情阻去舟四野鳥聲喧似曙半彎月影淡於秋卻輸
漁父安閒甚靜傍蘆花下釣鉤

詠梅

偶見村梅放一枝憐花寂寞笑花癡孤山空嫁林和靖冷
月清霜只自知

悲外偶作

夢中尋夢夢無痕夢醒淒涼不可論水複山重悲遠道烏
號月落盼歸魂未亡轉覺身多累獨活難如草有根坐對

遺容成一歎居然梁案共晨昏

歲暮偶成

一身貧病又殘年百事艱難在眼前無賴詩魔偏冷落有情愁緒最纏綿風雲變態誠如夢冰雪爲腸不耐煎試看梅花清徹骨幾曾開到好春天

偶書

荒涼陋巷稱貧居忘卻人間歲已除酒不澆愁緣量淺詩難脫俗愧才疎閒梳白髮干絲短老寄紅塵百計虛歎息繁花容易謝春風無力枉吹噓

寒夜不寐有感而作

簾外宵深露漸凝手揮老淚欲成冰五更寒逼三椽屋四面風欺一點燈夢後徒生尋夢想人間久住恐人憎憑欄

細數從前事落月疎鐘感不勝

除夕偶成

年除俗事本尋常論到貧家分外忙
檢點敝裘謀質庫安排情酌奠靈牀
門無爆竹迎新歲瓶有梅花送暗香
料得九原尤寂寞紙錢能否買春光

悼外

別具稜嶒骨相清讀書原不慕公卿
一官貧到無長物七秩年猶累至情
南浦帆歸纔幾夕西河淚盡痛今生
只知重作天涯計遽爾尋兒地下行

何桂珍字梅因善化人上虞廣西慶遠同知俞維藩室

光緒癸巳舉人內閣侍讀俞壽滄母有枸櫞軒詩鈔

詩話梅因爲根雲制軍女弟性孝友耽經史詩擅才調有感事一百韻極見功力與弟桐雲多唱和之作

桐雲題其遺藁云行徧江南萬壘山江湖草莽一潛
 潛祗堪和血憑高哭贖欲銜言報國還九地清霜孤
 客夢前生明月古時顏與君多難思疇昔瘦語酸辭
 未即剛豪興猶堪插羽飛聖明能許就漁磯驛窗雨
 涇蟲絲下水屋鏡昏螢火微滾滾三三行地是寥寥
 一笑問天非積魴白養今從擅斂手薑芽遜亦肥折
 鐵塵沙異代心秣陵野色鎮陰陰江山霸業降旛卷
 帝子精魂寶瑟沈過雁西風吹影斷搗碓南雪隔秋
 深抽帆苦擊潭煙破
 往聽蚪龍夜一吟

余于歸俞氏棄詩書十年矣丙子養疾東莊偶展行

篋得仲弟桐雲舊贈之作愴然有觸聊賦一律

荆籬茅舍野人居養疾東莊夜讀書靜裏光陰依藥石夢
 中夫壻佩龜魚悠悠往事嗟同氣耿耿深懷問太虛行篋
 凋零詩句在潁濱消息近何如

望桂林山水喜而有作

桂林山水冠諸州天遣詩人豁遠眸雲氣西侵昭嶺色河

聲東瀉廣江秋孤城落日聞猿嘯野水連天放棹游近日
小齋無一事晚來強半爲詩留

灕江晚泛

放棹灕江上翛然水一灣
軟風輕拂浪落日半含山
蘭漿雙痕活菱歌一艇還
無言觀逝水沙上白鷗閒

獨秀峰

巨靈舒半臂天外石飛來
屹立峰千仞凌虛翠一堆
水流巖寂厯嶺峻鳥徘徊
粵右多奇境如斯亦壯哉

秋感

行徧天涯力未勝時平顧慮亦殊能
寥天海立又圓蟹大漠霜清擊俊鷹
野草萋萋秋色滿古城曖曖戍煙升
木綿花發王佗墓一代雄風爾足稱

桂林諸山

邊山銳上名融邱嘗從經師受爾雅箭簇突兀雁翎刷刀
鏘崢嶸鵝膏瀉仙人身披古色裘捧持天仗騎騅馬狂風
吹落鬢雲中散爲桂林畫分野大艦如拖五丈檣廣屋如
側千鱗瓦作詩猶隘昔人吟入畫竟無妙手寫晴紅雨翠
萬態供酒樽游榼干場惹使人倦眼等閒開如彼禪棲不
妨假省門病起意何如遙對瓊峰揮玉罍小山招飲有吾
儕請看閨中同志者

永福邑齋對月

月色花光繞訟庭遐方無事戶常扃關山南衛森孤戍河
漢西流帶大星斯世奕棋干局變一生醉夢幾人醒長安
路共行車遠

兒時赴試京兆啣啣秋蛩未忍聽

大灘謁伏波廟

將軍浩氣鎮乾坤，廟貌威嚴桂海存。
往事何堪論薏苡，新恩應許報雞豚。
叢林鎖翠雙峰插，雪浪排空萬馬奔。
我亦徘徊情不盡，夕陽渡口又黃昏。

醉歌行

火雲騰空作紫絳，玉女素趺騎采虹。
羿弓迓月嫦娥降，霞漿浮觥清肺腑。
與我三夕斂衽讓欲飲，不飲卻羞量飛瓊。
吹簫雙成唱雪靨，銀齒恣謔浪天風。
忽吹氣晃盪織女，招手天河上石室。
機張三萬丈，自言此工殊可愴。
我欲從之窺帝仗，三辰七宿形模壯。
王母嗔顧誰所謗，翻然一覺墮煙瘴。
梧月在窗梅插帳，鑪煙已燼俄蓬放。
山城漏點櫓牙向，行人夜趁廣江漲。

感事

夜宴宣傳堯母門明珠世界不黃昏月擎瓊樹虛留影草
傍龍池盡沐恩噦噦鸞吹搖玉佩飄飄鳳仗捧金根侍中
不覺宵寒重新賜宮袍天語溫
天涯何處是邊州多少羊頭關內侯舊業未穿鸛鶴視新
恩徧著鸛鷄裘男錢散盡龐萌去女樂頌來魏降留休說
當年豐鎬地長空衰草陣雲浮
尺天寸地戴堯年萬寶輪將來日邊劉晏持籌寬甲帖徐
溫抗疏免丁錢一籬松菊壺中隱千畝桑麻夢亦仙自是
太平新氣象厚生知有聖恩駢
繁華鏡裏託生靈岌岌長安世路冥千市簪裾沈璧月萬
家樓閣落旗星似聞置俎龍歸董錯認乘軒鶴姓丁聖代

卽今猶富庶幽風秉願續葩經

陶然亭

臂捲西山翠樓臺水氣中葦齋千澗雨槐約半林風簾影
窺金鳥簫聲引玉驄置身圖畫裏又見夕陽紅

左錫璇字芙江陽湖人宛平道光丁未進士延建邵道

諡文節袁績懋繼室有碧梧紅蕉館詩

詩話芙江為左仲甫中丞女孫事親孝工詩善書畫
與妹婉芬齊名婉芬女會伯淵為芙江子婦蘭陵一
脈衍秀華陽文藝相傳著
於國史洵清門之佳話也

憶大姊婉洵

涼秋八月白露寒月明夜夜照闌干闌干十二房櫳靜茜
窗燭爇紅綃冷寶帳香沈暮復朝天涯歸夢亦寥寥夢回
冰簟羅巾溼悵望江南長太息菱花菱葉不勝愁秋水無

情滿江碧

微雪野望

遠岫空濛隱翠微
松杉深處鶴忘機
亂雲隔渚霏霏合
斷靄驚風故故飛
孤嶼梅花香欲結
空山流水夢應稀
自憐十載留都邑
回首家園悵已非

潤州行

官城如紙賊城鐵
圍城十旬城不得
六軍喧作夜潮聲
萬帳蒸成死灰色
火雲突兀空中來
猿鶴擲跳沙蟲哀
血光火光四圍迸
月色染出紅玫瑰
輕舩大舸同一炬
江水瀾翻沸成釜
游屍蔽江江不流
留與蛟龍飽人脯
浙軍棄甲先奔遁
潮州健卒咸驚呼
頗類平原縱野燒
薰狸灼獮焚麇麇
阿奴火攻本下策
主閫無謀甘敗績
東南半壁生夕

陰子弟八千同一泣

雨夜懷婉洵婉靜兩姊

狂風颼颼吼如虎老樹縱橫倏飛舞博山香重散氤氳輕
煙漠漠滿庭戶急點跳珠灑畫窗芭蕉漬綠濺筆牀筆牀
翡翠多零落疑是幽蘭發古香采之欲贈湘皋遠焦心一
寸愁難展雨雨風風可奈何菱華照罷愁蛾斂去鄉日以
遙離思日以緩別淚染征衫痕深不能澣江南楊柳綠千
條縮得春愁向空卷屏山寂寂沈煙篆庭院深深秋夢斷
試聽簷前浙瀝聲怕教芳景成秋苑風捲新涼入綺寮鏡
花顛影吐紅綃年來諳盡懷人味惟有吟詩慰寂寥

孟緹寄母赴楚半載作此奉懷

魚信經時闊關河感不禁亂蛩醒別夢曉角警離心樹迴

天圖堞霜高月滿林衡陽何處是南望楚雲深

八叔自津門至京見示感懷詩作此奉呈卽步原韻

冷官風味本清貧泉石琴書寄此身深竹凌寒留夜月古
梅破臘待詩人宦情似水頻年淡好句如花一卷新雜坐
團圞無俗韻村醪細酌比芳醇

十叔書問近況以此答之

落葉揜蕭關幽禽自往還窗分遙岫綠人共白雲閒秋老
詩懷減囊空酒興慳祇餘雙管在長寫米家山

秋興

萬木蕭然繞薊城長天蕭瑟暮雲輕涼蟬噪雨晚猶急冷
露霑荷曉更清卷地金風收暑氣繞階梧葉作秋聲憑闌
無限離人思極目蒼茫百感生

京洛年年起客愁，韶光荏苒已如流。
寒生修竹衣裳冷，風入疏櫺枕簟幽。
魯酒傾尊難洗恨，齊紈藏篋倍驚秋。
夜來拂拭龍泉劍，賸有寒光射斗牛。

南歸留別姊弟

列飈逗高梧，浮雲夜暗徂。
念此涉遠道，風波良可虞。
持尊不能飲，攬轡出清都。
相顧各無語，握手重踟躕。
徘徊歧路側，橫涕霑羅襦。
別晷一何促，愁思鬱難舒。
悲風振林木，零雨散秋蕪。
昨夜霜華重，紅葉滿征途。
從茲一分手，何日復牽裾。
努力各自勉，善保千金軀。

曉發

曙色曉迷漫，驚魂壓繡鞍。
夢搖釵影小，枕貼粉香殘。
黃葉秋林瘦，西風翠袂單。
離親日以遠，別淚幾時乾。

安陵野望漫成

古臺搖落樹蒼涼
水碓無雲獨雁翔
亂草西風埋斷塚
荒蕪秋色冷斜陽
雲隨樵子歸何處
山共詩人瘦不妨
欲識淒淒離別意
江流宛轉似迴腸

酬外子鳳陽道中寄書

榆高垂惡陰
竹勁秉堅質
生物各有涯
盈虛莫可必
省書感君意
臨飯不能食
道遠苦風多
胡爲獨行役
網羅滿天地
羣動何時息
悲來如循環
音塵渺相隔
焉得從長風
慰君腸似結

晚眺

香氣襲窗紗
簾牀日影斜
誰家新燕子
銜出隔牆花

夜行

溪暗聞流泉月黑不知路時聞山澗中幽禽學人語

春日偶興

晴曦紅到曲廊西畫裏天然景不齊夜雨小桃翻錦浪春風百草繡香泥窗虛盡納修篁影林靜時聞好鳥啼酒病詩魔消未得芳情半在綠楊隄

小雲妹見示寄懷詩卽步原韻

靜夜悄難寐吟行月漸陰疏星下殘柳飛露溼空礎酒釀相思淚鐙搖怨別心冰弦不復理恐作斷腸音
芳草碧千里浮雲路幾重寒生殘雪夜月落暮天鐘香篆隨風散家書潑墨濃相思兩相憶別夢繞迴峯

左錫嘉字婉芬一字小雲晚號冰如陽湖人華陽道光

甲辰進士吉安知府贈太僕寺卿曾詠繼室有浣香

小 草 吟 雲 集 卷 苑 吟 吟 吟 集

詩話冰如多才藝歸曾氏後諸子女秉母教皆工詩
畫為世所豔稱夫殉難扶耜歸蜀過又魚灘大風幾
覆舟冰如撫棺號天泣血風遽止得無恙
自繪孤舟入蜀圖海內名流題詠甚眾

豔 歌

袖舞雲千片 鐙搖酒一卮 花應憐獨影 夢亦解相思 屈戌
深藏處 闌干小立時 幽情無可訴 瘦骨有衾知
院靜夜逾靜 月圓人未圓 紅蘭嬌挹露 碧篠淡浮煙 妝罷
收明鏡 詞成調素絃 玉階長寂寂 苔色自娟娟

秋 夜 曲

井梧颯颯墮寒翠 海棠蘸露紅香醉 鈴柝無聲河漢低 斜
月一籬雙鶴睡 小窗燭短愁夜長 錦衾瑤瑟生微涼 欲眠
不眠坐申旦 十二雲屏思斷腸

長晝

涼風扣竹飛晴翠
藕塘波蘸紅香醉
曲廊斜度竹橋西
紫藤花下狸奴睡
一杯棋局消長晝
閒倚琴牀數蓮漏
焚香坐久晚窗深
月子玲瓏花影瘦

水窗卽景

擁被獨沈吟
紅燭結香篆
更鼓隔岸撾
斗柄西北轉
停橈倚石根
波平白沙軟
羣山枕流卧
野寺孤雲伴
水深鷗夢寒
風急雁行斷
反側不成眠
遙夜意繾綣
欵乃聞鄰舟
清霜布帆卷

秋夜

露重溼煙凝
西風戶獨扃
亂蛩鳴振羽
飢鼠出窺鐙
夢冷愁如織
骨瘡寒有稜
破窗還夜色
缺月挂孤藤

春望

楊柳風多作意吹，古藤野葛綠垂垂。
一竿春水溪童釣，半突寒煙病婦炊。
竹抱虛心留勁節，花含幽思斂蹙眉。
衫輕骨瘦憑危石，自寫牢愁勒斷碑。

訪趙悟蓮晚歸

數里出城郭，悠然遠市囂。
寺閒風捲磬，泉激月生潮。
密竹隱茅舍，疏花帶野橋。
曲隄鬱芳若，歸路不知遙。
襟懷恆落落，身世等勞勞。
惜與故人別，歸來山月高。
清溪鳴水碓，虛壑響松濤。
鐙影透牆隙，書聲散鬱陶。

枯樹歎

黃沙茫茫若華匿，枯樹無皮當道立。
擎雲捉月奮爪牙，四起悲風鬼神泣。
飽經霜雪不記年，夕陽古埃同巍然。
濃陰

密葉曾蔭暘意以屈曲全其天君不見丁戊之間旱爲虐
兩年不雨日燠灼析骸易子嗟此邦豈惜樹身遭剝落我
行撫樹興長嗟蛻餘蒼骨寒杈枒爲問河東千里道凶年
饑饉餘幾家頽垣敗壁隱蓬戶嗚嗚彷彿聞人語痾瘦老
翁兀向前欲訴未申淚如雨自言身本故家子頗有田園
傍汾水火雲熾野草木枯鄰里親丁皆餓死昔年豪興游
江湖歸葬骨肉還故都所親無存家爲墟子然一身何所
圖愁容慘淡兼衰病枯樹剝膚感同命少時裘葛老無衣
羞向人前道名姓哀絃未終天欲暮行色怱怱戒前路長
揖老翁申慰辭人力難回信有數前村野店懸孤鐙當爲
老翁枯樹留長句

過龍泉關

晚晴錄語匯卷一百一十七
壁鏗熒熒天未曙僕夫促駕出村樹亂峰攢攢青接天懸
流干尋飛瀑布石梯險滑級不分健馬力爭下蹠處長歌
行路關山難蟻緣九曲雲崖間星精搖搖仰可攀積雪耀
日秋風寒馬蹠碎兮人力竭一關橫界長天碧我思開山
煩五丁鑿穿石穴通青冥又欲移山效愚公眼前障礙一
掃空吁嗟乎所欲安可得不若卸肩且休息

喜晴

庭坳深積水寮綺耀晨晞花鞞纏紅影雲空露翠微懶鳩
朝拂羽倦蝶晚烘衣天意憐禾稼陽光滿甸圻
久雨苦淫滂朱陽豁眾心菰蒲分水界苔蘚上牆陰
補殘網蝸蟾發朗吟開軒當遠岫幽思愜鳴琴

寒夜得蕭月樓與烏拉扎桐雲兩夫人書感賦小詩

藉以作答

北風撼窗紙塞向味寒寂離緒紛如芒兀坐但守默青鳥
不辭遠翩躚落雲翻故人情意長迢遞寄胸臆申函蠟炬
紅墨花浮黛色上言久別離下言長相憶知交感參商良
晤安可得念子夫壻貴古幹皎松柏念子太瘦生辛勞職
內則兩賢不我遺同心悅芳澤因知悱惻懷名族等閥閱
豈不雲路翔官高各異域人生懷至性離悃料難釋願子
時加餐珍重衛朝夕和靄生春風景福自天錫嗟我就薄
養對案每忘食朔方多風沙傳舍復偏側平生有姊弟宦
轍異南北兒女雖成行出門雲水隔天涯念骨肉音書常
梗澀緜渺難忘情望遠心常惕况復秋霜零芙蓉萎芳節
觸目懷感傷忍淚不成滴將老邁茲痼日促鬢絲白何以

報知已儀一心如結夜深硯冰凝過雁送風急紙短難具
陳月落曉天碧

范淑字性宜德化人咸豐王子舉人元亨妹有憶秋軒

詩

詩話性宜生數歲過門簾偶皺回步整之乃行其母
喜曰吾女異日必為賢媛及長母多病家無婢媪乃
躬操作執炊汲之事屋後有隙地性宜藝為蔬圃以
半治蔬以半種菊名曰問園所居曰憶秋軒每斜日
在畦蒿簪布裳率弟妹荷鋤抱甕有田間意秋綠一
色寒葩競華芸瓜者種豆者倚樹吟者其母病中無
俚觀之輒破顏性宜初學詩自道真意偶得佳句以
為家庭間笑樂而已久而益工其兄戲謂使汝為吾
弟是東坡之得子由也蔡編修殿齋選國朝閨閣詩
鈔數徵性宜稟終不予其不務名譽如此事親撫妹
積瘁以終年二十有六詩清曩澹遠觸物生悟其暑
夜云花光照處明如水更引瓊枝入鏡天自注子引
鏡照花覺月明院宇
枝葉皆靈語尤雋妙

秋曉

殘葉忽然盡西風夜入關雲無來去意秋在渺冥間雨後
邨煙溼林疎鳥語閒憑高如有悟久立尙遲還

林下

竟日碧雲下默坐已無暑涼風自何來綠竹動清渚好鳥
歇幽林梳翎復自語不知下有人此心靜如許

夏日西齋看雨

突作奇聲不可測長風欲使孤松折林葉不待西風飛頓
覺南風有秋色怒雨忽從山外來跳波擊瓦心懷開雷驅
電助不可息風聲盤走如相催暑餘晴雨失調劑黃塵得
雨吹腥氣竹中新構讀書堂一縷炎風搖不至書窗掩卷
靜無聲電捲雷收雨漸停推窗一望淨如洗天光凝碧青
山青茅檐低接鋤花圃山園風味清如許數聲嘯鳥出新

晴半樹斜陽滴殘雨

望夜見月

亙古留清氣虛空一鑑磨
晚花涼照影秋水靜無波
不識圓時好誰憐缺處多
閒雲如解得莫向月前過

秋日

吹風吹雨到秋庭
迴合秋聲入杳冥
去日艱辛如夢夢
近來心緒亦惺惺
松思護鶴枝常綠
蕉慣聽秋葉尙青
此境十年親領略
不須感歎說凋零

絕句

我慕水中蓮慕其心獨苦
清泉知汝深相照各無語

落梅

率意來空圃無心見
落梅依依自相惜
戀戀欲空回花落

枝仍古籬荒氣不衰
眼看桃欲放爲汝一徘徊

問園雜詩

高花短樹綠蘿牆
十載閒居插種忙
偶愛數竿青竹好
三年迸筍漸成行

綠陰鋪徑茁新芽
墮地春桃雨後加
記得仲春敷茗椀
風來樹樹落桃花

問園閒坐

忘此是何地坐成幽絕境
苔紋上石壁泉響落古井
深樹綠如屏朱白漸疏整
斜陽日日來畫我園林影

涼夜

涼夜立前楹
茅檐好風露
眉月有沈憂
微光隔幽樹

古意

明齋先生詩集卷一百八十一
霜天好明月感人獨淒絕莫怨朔風寒總是汝衣單

懷直侯兄

淒風自何來百感在胸臆人生有生死骨月倏離析既已
感零落胡能忘疇昔齟齬共嬉戲天真自爲得未來了不
思既往若未歷撲蝶入蒿萊聽蟀覓幽僻聚金拾瓦礫設
食陳梨栗背誦互相誇迷藏善爲匿東園有佳樹相愛若
相識贈名引爲友每見必以揖至今猶憶之懷思動悽惻
兒時最愛物囑余藏其祕一朝竟失之君固未我斥轉爲
相慰語愛割亦吾益我心殊悄悄追悔每不釋當時倚膝
下友愛實靡及歷歷此寸心依依如昨日稍長人事乖嗟
痛慈親失吾家復多難重以饑驅迫君跡太飄零君心倍
苦摯別君百里遙懷君若咫尺君書昨日至君言滿金石

贈我芝蘭枝貽我古松柏芝蘭固自好何以避霜雪惟茲
松柏枝隆冬好顏色

憶和城舊舍

一棹辭歸又十霜夢魂猶憶讀書堂推窗遙指一江水捲
幔微聞千樹香既往韶光何太促未來人事覺猶長幾回
重說兒時事誤道他鄉是故鄉

秋晚

落葉聲中下夕陽草根搖動野風涼黃昏月上不覺晚薄
暮花開何處香一片煙痕山入夢數聲蟲語夜生霜徘徊
漸識秋深意又見歸飛客燕忙

春曉雨後

片雨過東園新泥溼未半苔痕青可憐鳥語多不亂風靜

柳枝閒雲橫山色斷饑鳥銜實歸哺子松林畔

借齋

小齋無物足游觀石硯甃壺一兩端聽雨恰宜于个竹鈔
詩合帶一分寒靜中生意窗前草悟後心香案上蘭好是
匡山排闥入朝朝把作畫圖看

春晴

雲漾晴光水漾波閒中得句景中哦讀書歲月何常永嘯
鳥園林漸覺和人有奇貧塵事少詩無險體性情多盤桓
半畝成幽賞每送黃昏日影過

懷直侯

思君不得見見此夕陽寒生小多奇志成人有淚彈多情
因自愛萬苦博心安悟透滄桑事人間一別難

月夜

青山有白雲
青天有明月
月明天更青
雲行山欲活
主人好園林
良夜愛清絕
臨風作遙望
如懷遠離別

憶秋軒葺成和直侯韻

蘆簾紙閣亦何嫌
幾費商量夕照天
放入花香無隙地
許留明月與千年
鑪煙入妙通禪悟
幽鳥來依亦有緣
參透浮生無限事
別離天又小團圓

病中雜詩

大風遙起不勝悲
久病先灰各樣思
只有夙根愁不斷
五更清夢醒來時
久不窺園蔬菜瘦
又探籬下已殘枝
近來事事都思了
想到親恩淚欲垂

馬耳山言圖卷一第...
作家書寄直侯旋自焚之

魚書將發又旋焚便覺微生細似塵氣短自知心力瘁尙
持孤憤寄何人

徐咸安桐鄉人烏程張鈞衡室有韞玉樓遺橐

詩話咸安初學弄翰便有詩名閨侶有乞題者則謝
之曰詩非吾輩事敢暴諸人耶及歸石銘家有適園
泉石如畫暇輒同游時時吟詠不自存
稟歿後石銘蒐集付梓繆藝風爲之序

春日出游

春風到處綠成陰淺草平蕪緩步尋
野外有花皆綴玉隄邊無樹不搖金
塞鴻數點寥天沒梁燕雙飛曲巷深
放眼韶光無限好舞雩歸去一長吟

月夜放歌

中天明月正團團秋闈寂寞憑闌干
四壁唧唧蟲鳴寒隔

牆風弄青琅玕疎林老鴉棲未安一聲驚起空中盤螢火
點點如流丸宵深露重高飛難何人抱琴一再彈如怨如
訴聲悲酸停弦不語涕汎瀾餘韻嫋嫋遏雲端秋來自憐
腰帶寬聞此益覺摧肺肝銀河欲落漏已闌閉戶起剔銀
缸殘倚枕假寐愁漫漫輾轉反側空長歎

雲棲寺

雲棲最高處快意一登臨烏度碧山遠僧行黃葉深修篁
團翠色流水滴清音蕭寺偶留憩佛燈明我心

適園梅花盛開

隔牆消息逗遙指一枝新索笑來簷際尋芳過水濱香霏
千樹雪花發滿園春莫問古梅渡荒涼愁煞人

庭前舊植雞冠海棠鳳仙數本秋日花開欣然賦此

西風庭院一巡行紺碧丹黃刺眼明映日爭看朱幘耀乞
陰會待綠章成化工好事饒秋景叢豔撩人步晚晴更有
鳳仙好顏色秦樓飛去不勝情

郊外閒眺

信步不知遠西風郊外行有秋千戶足無事一身輕沙鳥
對人立溪花沿路生物華玩無盡歸路夕陽明

落葉

西風落葉滿庭堆掃取烹茶日幾回萬物祇須人利用竹
頭木屑亦奇材

曉登五雲山

覽勝登五雲臨發天未曉不辨徑高低祇覺行人少輿行
二三里月尙挂林杪野外唱晨雞樹邊喧宿鳥我怯溪橋

危僕訝山路小盤旋上高峯曲折如鳥道旭日忽東升三
江煙霧繞早潮一綫來龕楮猶縹緲

適園避暑作

不耐炎炎暑還依漠漠陰涼颺荷渚近清響竹林深蚓笛
參差奏魚鱗隱約沈靜觀原自得坐久豁幽襟

西湖卽事

錢塘門外水清淺輕舟蕩漾隨波卷游湖纔了又游山獨
向巉巖踏蒼蘚

有約鄧尉探梅遇雨不果

吾聞虎山之崦峰回互仙境昔有仙尉住面臨太湖三萬
頃七十二峰似爭渡居人家種梅花覆壓山村不知數
風飄十里五里香雪滿干枝萬板樹大庾亦無此奇觀足

所未歷心傾慕傾慕于今幾十年年年花時等閒度今年
棹出闔廬城渴望庶幾慰平素閨侶殷殷折柬招蜻蜓
子尅期赴香海由來傳盛名錦囊滿擬貯佳句不道春來
日日晴臨行卻被天公妬侵曉無端急雨零彌天但見陰
雲布扁舟欲行不得行寂寞空堂繞廊步愁絕小窗欹枕
眠夢魂還繞錦峯路

水閣納涼借外子作

楊柳依依裏樓臺月正中池光明檻外螢火度牆東竹粉
涵清露荷香沁晚風此間堪卻暑幽致與君同

初夏卽景

漫言春色好春色不如今紅落幾番雨綠添無數陰荷圓
初貼水竹稚未成林觸景便成趣憑欄時一吟

張印字月潭潼關人山東巡撫禮中女閩縣陝西布政

使林壽圖繼室有繭窩遺詩

詩話月潭幼時借兄樹焚入塾受書穎悟過人父母
奇愛之喜藝術善畫花卉翎毛臨摹名蹟輒神似兼
精績繡有鍼神之目母吳太夫人復教以縫紉烹炙
性好操作不類貴家女歸林氏後事姑孝撫前室所
生女恩勤逾已出歐齋遂於詩月潭固能詩者觀摩
有得所詣彌工惟時為家政所間歐齋言月潭之於
詩有終歲不著一語有一夕得數十韻不事雕飾以
陶寫性靈為主使無兒女累而日益精焉傳不傳正
未可量月潭歿二十餘年其子得稟於舊屋夾壁中
已蟲蝕過半後刊於閩中依手訂金臺青門南歸諸
稟署曰繭窩遺詩繭窩者生前所居室名也詩多歎
逝傷離憂時感事之作性情識力一一可見結思真
摯出以清超意
境在白陸間

學詩時讀班婕妤
仔紈扇詞

洗心栖泐穆淵淵鳴天籟緬懷漢班妃何事日怨艾扇固
有時捐月亦有時晦乃思恩愛重不共秋風退我詩取怡

情凡百人不逮寒燠聽造化盈虧置度外不淫不傷旨默
與關雎會

寫蘭

望望楚天雲月墜秋江冷帝子魂不來爲寫一枝影

讀班大家傳有感

憶昔侍筆硯羣籍紛披搜我母時禁止奪書或父尤父時
告我母曾聞大家不表志邁遷史筆削追春秋六宮席前
拜融續門下收子成荷母蔭亦封關內侯而我聞之喜逸
氣同雲邁迄今讀其書顏色慘以愀史必三長具甯獨詞
藻優健仔固家學左謝安能儔我才遠不逮古人良可求
勗哉閨門內掩卷神與游

夫子植海棠於寄園詩以紀之翌日復以二株置庭

前索余作因次元韻

春禽啄破青苔封吟人未到先游蜂曉日時正三竿紅此
花允合精廬供荷鋪先薙菅與蓬位置無使遮西峰是何
娉婷姿態工效顰甯比施家東重萼疊跗不概見星冠霞
珮神女同一留伴我一歸翁翁能無愧身籠鍾雲收雨捲
香何許睡起月下還相逢桃李天郁一掃空楊妃姊妹肌
多豐垂絲持較鐵幹罕鈴索將護吾甯慵

重游陶然亭

彈指流光過重來豈等閒澄懷酬短景攬淚惜殘山柳影
當門碎苔花上砌斑舊題無一在秋意滿禪關

今朝呈外

今朝天放霽徙倚向空園碧蘚生緣壁新篁長過門石奇

物類言圖卷一
三
饒畫意茶苦入詩痕及取公餘意歸來共一尊

春曉

春醒無一宿破曉意翛然苦乏清新句來全淡宕天細花
如媚我時鳥與催年美景行消歇歡愉及眼前

夫子九日游黑窰厰歸以詩見示作此廣之

天宇湛空明人意益恹恍矧此菊花時秋陰失俯仰人生
無百年及時當自放我家梁伯鸞欣然杖策往緩步登高
岡四顧胸懷敞左拂碣石雲右瞻滹沱瀆瞬息明月來暮
色四山蒼星光逗遙岑野火越林莽郁郁草木香浩浩風
煙爽旣醉柴桑酒欲卧葛陂杖歸來誇所見歷歷如視掌
憶昔客東海侍親泰岳上夜共白雲眠晨觀初日昶海濤
破詩聲天風振羽斃洵哉爲大觀視此直糞壤忽忽逾十

年撫今空念曩何日謝簪組我爲辦屐兩攜手共入山五
嶽恣探賞胡爲久居此窮年困塵鞅蛩音時自答蛛絲嬰
彼網相對默無言大有出塵想

種菜

我性喜種植况此多荒陂春風吹浩蕩人意良遲遲赤腳
竈下婢飯後輒酣嬉亦欲課之讀日不識書詩願使把犁
鋤欣然願我隨荆榛旣日闢礪砢亦日夷於此壓豆筴於
彼播露葵秋菘與春韭燥溼相所宜縱橫有經緯我心堪
自師中饋及暇日到此神曠怡會當微雨過生理漸以滋
破土玉芽茁臨風翠葉披啞然時失笑暴富同貧兒

燕臺

客次驅車此地過孤城形勢鬱嵯峨高秋樹老棲鳩鵲落

日墳荒卧駱駝訪事已無知郭隗傷心莫更說荆軻十年
燕草懸吾目怕觸蕭風未敢歌

途中遠望

料峭西風嚮晚天黃茅亂石莽無邊駱駝卧地如拳大鷹
隼盤空作蓋圓鐘後僧歸松徑雪飯前漁泊柳隄煙板輿
忽忽青門進可許歸時此買田

謝秦中親族

秦中我故里墮地未一歸客歲夫奉命出藩來西陲地方
正苦戰蕃漢交相持瘡痍苦不起甯復顧家爲今歲寄我
書屬我板輿隨鄉音喜入耳秦關望崔巋憶昔父謂我吾
土帝王畿泰華稱天險涇渭襟帶之風俗本淳樸猶有周
公遺我今遠嫁女能來事眞稀載念母與兄今乃在京師

豈無外家親風雨繫所思踰伏已旬日未敢使聞知昨有
遠兄弟叩門立我墀我姑素鍾愛從不婦輕嗤我夫久益
敬如賓無譽儀我亦何所慮我亦何所疑所慮有官守所
疑人訕譏回首顧闇者人來善爲辭咫尺天涯隔此身有
所羈市上甯真虎杯中甯真虺持躬稍不慎噬臍悔何追
願保千金軀勿爲霜露欺不死會相見瓜代以爲期

送表弟下第南歸

南風吹面夏雲涼綠陰滿地槐花黃鳴蟬聲裏人懷鄉寶
劍且願腰間藏平田麥熟煙漠漠前有斑鳩後黃雀驅車
直下黃金臺轉瞬明春獻賦來百年人事率如此暫蹶霜
蹠未爲恥白髮蕭蕭正倚闥歸省晨昏勝甘旨云胡不樂

心如燬

元夜有感

寂寂衙齋嚮晚陰金臺回首幾沈吟月鐙夢入當年事暉
草詩留此夜心漫浪生涯過歲酒飄零骨肉念家林旁人
莫便誇佳節吾思春前已許深

寄陽湖張婉紉女史

漢書闕八表大家為續編周官稱絕學宣文獨專研古來
多閨秀名氏世所賢我朝論文派陽湖誰開山惜哉皋文
子刻苦不永年女史為皋文先生猶女有弟合館陶即翰風先生女史父也宛
鄰集會鐫君為其淑女卓爾家學傳去年寄我詩選理精
且堅女史喜作選體詩展卷再三讀清風生我前隱寫柏舟志女史
嫁孫氏託興窮風煙甯直漢魏繼恍然三百篇奈何生不
早寡辰晚遇益迤邐自慚才力薄與為翰墨緣覩顏致短語夢

墜吳江邊

贈荃女

昔賢故有言四海皆弟兄矧我與爾母儼如娥與英爾更
育於我甯無骨肉情今爾年既長加笄禮告成相從逾十
載念此摧人腸憶我初嫁時爾年尙孩嬰髮燥兩肩披身
高才几平祖母僅有爾視同掌珠擎鄉音異南北語意苦
不明我身方就爾爾乃避道行我手方招爾爾乃秋波橫
我心時寒栗恨難達我誠幸爾日長大視我如故常晨知
就我櫛夜知就我牀飢知就我食寒知就我裳有時我入
廚未解作南烹爾乃私謂我斫魚當爲羹亦或逢節慶未
辦效閩妝爾復私謂我紅繩纏髻梁中間生爾妹未克爾
扶將祖母喚爾去依依仍我傍妹嗁爾抱持妹飢爾料量

須臾不舍我誰謂非我生祖母與我家同出南軒張雖則
閩與秦譜牒渺難詳祖母恆顧我無視我姑嫜我生未有
女不如呼我娘祖母誠愛我亦由爾回翔有時我外家迎
迓我歸甯攜爾與爾妹偕行登我堂我母恆謂我此女何
娉婷我兄亦愛爾每來輒叮嚀謂當善撫此此真爲我甥
爾貌實靜好爾性實端貞舅時課爾字筆畫晰以清亦或
教爾讀上口聲琅琅爾父曩客陝盡室胥留京我時方小
極茶鑪伴藥囊爾能解我意凡事爲摒擋去歲父書來屬
我卽首程祖母既老邁我復體羸疴沿途端賴爾使我忘
長征爾父嘗謂我擇壻當擇良苟中乘龍選何必拘故鄉
我本遠嫁女感此增傍徨忍以己不欲乃使兒身當昨父
告我壻安定家吳杭祖爲大中丞父亦京曹郎壻年方及

冠頭角頗崢嶸近在國子監讀書行成名我願業已足何
事復淚滂昨聞有書來納采今秋涼百年難共守去去時
吞聲雖然我聞之舅姑今在堂隨時進甘旨親手調羹湯
蘋蘩乃婦職春秋妥烝嘗下有二伯姊貞明稱里坊亦有
弱弟一風雨恆對牀宜念秭歸義勿使荆樹戕伉儷必以
敬乃覺恩愛長有無俱黽勉學業母嬉荒卽或忤我意舉
案當益莊間有小不適亦當身退藏人道貴謙抑天道忌
盛盈毋自恃門第毋自誇簪纓勉矣曹大家女誠實隄防
早晚爲人婦從此去家庭母爲嬌憨態亦母心悲傷祖母
今老矣爾母身蚤亡惟我與爾父年亦非壯強尤悔爾知
免諾誠我當詳晶晶秋菊芳馥馥丹桂香樸質爲此語且
置爾巾箱一字算一淚點點生珠光

望官道

牆外卽官道秋高偶縱視荒荒草半焦兀兀寒煙起前頭
誰家墳白楊挂錢紙我亦有先壠我亦爲人子潼關咫尺
地春秋不一祀望望落日斜霜葉連山紫

先司寇公墓在潼關

除夕感懷

廿年作客黃金臺有壻乘龍今歸來忽念遠嫁向東越蕭
然忍對殘冬雪此時我何憶所憶母與兄相望不相見兩
地難爲情況母今年七十高兄謀甘旨官京曹潼關有家
歸不得飢驅兩鬢霜華飄憶昔奉姑宣南住不歸旬日一
把晤往來數數將車迎家常共話懽平生不苦凍泥濺裙
袴但覺春風生戶庭一日夫壻下樞直手攜鹿尾稱上賜
急索篋中舊貂裘命質香醪謀一醉留兄共飲午窗前此

中風味殊新鮮半酣呼人迎我母省識此樂眞稀有可憐
年事多未完猶道今朝二十九我職中饋時入厨洗手亦
復同圍鑪薄暮母去坐無語始悟宵來已歲除故鄉勝似
他鄉遠我今來秦反愁惘亦有梅花插膽瓶依然狂雪大
如掌當時兩家儼如一今日一身難化兩兒女守歲不思
眠事事上心猶昔曩白雲飛處是京華料母回頭同此想
吁嗟好花不久妍好月不常圓身爲旣嫁女骨肉安得長
爲歡母今不歸我行去天南地北相逢難令人念此鬱鬱
摧心肝

從軍行

昔聞從軍苦今見從軍樂從軍豈眞樂母乃爲殘虐我有
竈下媪全家住近洛飯罷袖手閒爲我談厓略昨有潼關

兵新調來襄鄂入市逢酒肆牛羊恣大嚼撒手出門去備
保還諾諾乘醉過青樓應聲奏簫籥幸蒙垂愛憐臨行簪
珥攫一夕報賊來遠近驚風鶴彼聞翻大喜距踴如雀躍
沿途有村店藉口製草屨毫無造物仁儼同做賦索一人
不如意千百橫刀稍民也告之官縣官驚以愕投刺謁主
帥主帥殊落寞身家與性命疇不兒郎託似此區區者九
牛一毛灼掉頭更不言反是縣官錯翌日拔隊行所在苦
標掠有馬不芻秣十匹百匹捉有兵不肩荷前車後車縛
時或值商賈搜求罄其橐鞭夫如鞭狗彈人如彈鵲一事
稍阻撓首級立時落一級銀二錢請賞向戎幕嬌姹誰家
女亦既成婚約甯馨誰家兒繞項金鎖鑰女馱馬上去男
繫馬前鐸夫壻躡迹追爺孃望塵撲看看十里外日已西

山薄明早見積骸狼藉填溝壑家人哭之慟搥胸更拊髀
保正爲報營營中方飲酌粉黛排屏風珠寶堆山嶽開口
未及說身已貫木索細置大旗邊自分死鋒鏑倏見縛雞
來認得羽毛駁今供彼盤飧昨食我稻稭須臾兵盡醉相
邀縱六博盧雉信口呼金錢信手摸想見儻來物源源不
一涸乘間逃生歸思欲主帥籲相距三百里程途數日隔
男兒生胡爲恨不兵籍著嗚呼彼軍人此孽何可作亦旣
客欺主又復強凌弱我聞湘澤間近亦風聲惡豈無兒在
家豈無女出閣一旦有兵役甯能免鼎鑊天道信難知作
詩叩冥漠

病起

衙鼓鼕鼕夜四更空閨無賴斷人行幾微花影月吞吐三

兩竹聲風送迎
鐙意做寒如許
倦藥煙遮夢有餘
清經旬
病起渾閒事
眼見秋殘猛一驚

久雨頗為農患詩以禱之

盜賊雖已遠有田無人耕
夫子久官此四顧難為情
散貲給牛籽俾各遂所生
流亡漸以集秧稻亦縱橫
豐登會有日擊壤歌承平
奈何天降疠一雨不肯晴
三農果何辜今秋又無成
我家劣得飽念彼淚如傾
作詩禱上帝庶幾鑒吾誠

寄聽菴兄

聞道東南美湖山入眼親
詩書無事業冠劍尚風塵
聞越平生夢兄時將由浙入閩江關咫尺身
歲寒宜自玉家有倚閭人

風雨

秋雨秋風作許哀空廊無語自徘徊平生解取須臾達祇
有今愁遣不來

聞夫子將回駐西安書寄

戎馬間關未了期一春如夢耐人思唐陵西去吹沙暗秦
嶺東回出霧遲詩句會成窮事業年光幾換舊鬚眉歸來
看取青尊在留意公餘話片時

春日寄外

時會師
華陰

庭前數行樹牆頭數點山東風日過我人意相與閒世事
灞橋水一去無時還羣盜尙未息俄頃生百患軍書急如
火嚴兵屯潼關邊功無足道三歎臨花間

繭窩告成曉起遣興

秦中二月初偶闢小瓜廬人倦勝判酒花疏稱讀書持頤

思昨夢整髮答新居及取春光好他時恐不如

贈聽菴兄

六年翹首望南天此日青門喜暫還湖水化爲詩句好嶽
雲照見鬢毛斑家人聚散驚如夢公暇過從拾一閒多少
時光拋馬上須臾情話亦忻然

種菜示棣兒

屋後有隙地歲久藏狐狸偶率僕婢往慨然荒穢治鑿池
便引水編竹取爲籬侵晨抱甕出薄暮荷鋤歸漸愛風日
燠兼得霜露滋穉甲坼土出嘉苗連畦披小兒不解事勸
我毋爾爲意恐父不悅故事徵拔葵我笑顧謂兒幸勿爾
父疑蘋蘩係婦職瓜壺見風詩咬根父所習式穀父所期
矧茲挂冠日食力理亦宜吾甯好事者聊以警荒嬉

游大兄園亭

物外此遺榮天然野趣成再來還繫馬三請不煩鶯骨肉
須臾意鄉關爾汝情林深疑嚮晚歸路日偏明

別秦中親故

人生聚散等浮萍九載茫茫一夢醒握手恐勞堅後約掉
頭莫笑少鄉情終南馬首愁難見灞水關前惜此行今日
將雛何處去也同春燕暫南征

出關

往歲來青門車中同白髮今歲去青門惟見車碾雪雪中
烏鴉飛令人意淒絕念我與我姑今乃成永訣靈旒何遲
遲輜車何兀兀婦行及關前延佇未敢發望姑魂歸來同
出此秦闕相將供南返卜葬先人穴棺只一板隔身直九

泉徹音容日益遠痛苦聲難達山深狐狸多夜靜鷓鴣血
姑寒衣誰進姑饑食誰設不如此長途朝夕得奠醊

寒食

門巷今朝正賣餠數椽暫借主人情試看老屋栽花徧肯
放春愁逐草生東去江流催世事南征詩卷謝時名客中
容易過佳節苦雨淒風不滿城

路過小姑山從湖口望大姑山

放棹東南去天寒歲向闌子男同祀典姊妹各名山白點
濤頭影青浮雨後鬢古今時俯仰人事太間關

金山

秋風小泊廣陵船金碧樓臺淡晚煙夜半魚龍聞笛起波
濤捲夢落南天

望惠山

昔讀梁鴻傳今渡梁鴻谿
暝色到孤艇四顧煙淒迷
人生無去住一葦聽東西
安得盈尺地結茅來同棲
山頭第二泉圖經吾能稽
飲此可送老臨風生餘悽

望瓜洲

木落空江寒潮平人語靜
一鳥掠舟過蘆花風起稜
何處晚鐘來二更月色暝

過鴛鴦湖

一船穩載一家人名字沿江聽
最真多少風前雙水宿阿儂
生與白鷗鄰

久聞聽菴兄說西湖山水今乃見之感賦

西湖山色最清拔南高北高雁
行列松聲如曲可入琴雲

容欲畫難著筆渡江應有仙真棲挂單未許頑僧歇我來
干戈喜初平照眼杜鵑尙凝血
香山白與眉山蘇築隄劃作裏外湖柳色幾行斷橋斷梅
花數點孤山孤瓜皮艇小瞥若燕蓴絲味美配有魚南宋
君臣一逝水積金至斗銷得無

吳山

遠嫁天涯獨愴神歲寒猶是未歸身可憐第一峰頭望祇
見江潮不見人

讀阮雲臺先生西洋米到紀事詩有感

濬河要溯源種木當護根源窒流不暢根傷葉不繁我讀
文達詩慨然生愁煩以茶易外米意在民食屯雖云通有
無彼利難具陳況乃減彼稅懸禁苦吾民我荒彼鼓舞我

豐彼逡巡價值貴賤間操縱權在人何異教子弟跬步限
家門又不絕其交奸徒滋攀援父兄年日邁子弟智日昏
一旦有不諱人將傾我困會須闢田畝努力事耕耘豈容
束手坐終歲乞諸鄰區區執政者曹騰我無論如何一代
賢亦復口津津闔言不外出誰爲達天關

自江頭舟行至富陽

溪山隨岸旋倏忽不知處勢若鷹隼疾一折一回顧澤中
秋蘭香彷彿噴細霧起看蒹葭叢暝色渾欲暮蜿蜒富陽
城眼前忽披露塔層明斜陽樓影蔽深樹風景誠大佳人
煙淡如許審知兵火餘益以淫霖注默默正無言扁舟抵
前渡

建溪途次夢劉氏姊感賦

我昨浙中來草木已黃落一下建溪水綠葉紛沃若回念
母在京年已桑榆薄同產有一姊天乃奪之速昨夜來入
夢顏色猶曩宿肴饌旣已陳謂我食無肉餽飪旣已罄猶
索玉田粥自言數年中處境真荼毒亦欲通消息使令無
僮僕亦欲過談心往來車無軸慰藉苦無詞姊乃放聲哭
掩口勸勿聲忽爾視爲辱自揣姊何辜遇人竟不淑平生
頗修謹奚至占脫輻復念秦與閩道里五千足姊甯有羽
翰遠舉如黃鵠村雞忽唱曉豆大鐙搖綠倚枕自沈吟此
意日往復

初抵閩中

吾愛閩中好從難筆墨傳編民蛇有戶課稅蠹成田灌木
經年碧寒花入臘然萬山青不斷直到海門邊

思親

春隨客到家故國渺天涯竹稱幽人影梅餘隔歲花山高
時有雪海近晚多霞看取思親意年來鬢已華

坐雨

誰謂春光好新來雨更多南歸無一可北思更如何詩句
生殘夜年華付逝波明朝天霽否尙擬墓門過

時爲姑
營葬地

春日寄懷

都道還鄉夢自恬閒居無事轉多嫌天時變幻無裘葛家
政生疎到米鹽行菜更憑誰抱甕焚香只合獨垂簾算來
一事差強意春筍登盤價最廉

食山東白菜

我本秦中女復於京華長每覺風雪天此味口最爽一自

到南中三餐蛤與蚌腥臊輒欲嘔當筵失俯仰雖有永福
產筋多嫌刺噪晨起客叩門來自青齊壤貽我凡十株磊
落堆益盎我喜過所望有似太牢饗急授庖人術喚集兒
女賞萬羊恥過分五鼎非夙想但得蔽菜根從此謝塵鞅

春日游西湖書院

隨遇可自適要不如鄉居甯必入山深始能得所娛今晨
會無事駕言來西湖四山政過雨青翠沾衣裾一匳春水
活盪漾鞞紋疏忽驚波面響潑刺飛雙魚天然管與絃鳥
聲上下呼時值生徒散喜與兒女俱坐久覺稍倦檻外立
須臾鄰婦見我來挈兒更呼夫生計不縫紉辛苦惟耨耨
始悟南與北風氣絕相殊見我尊無酒命兒貸村酤又見
食無肉命夫分社豬情意頗殷摯言語甯嫌麤倏忽暝色

來恩恩將升輿尙問湖蟹美十月能來無

紀夢

昨夕夢見姑顏色如平居媿媿無他囑似憐婦貌癯慎勿
縱兒癡刻苦宜詩書女大理當嫁教導甯區區爾夫本儒
素家人生計疎服官三十載今乃一椽無中饋端爾賴語
罷意不舒一慟不自覺醒來淚垂枯音聲猶在耳鐙影何
模糊孝養苦無及念此徒歛歔

晝坐

憶昔姑在堂早起視晨餐鄰雞甫唱曉盥洗粗已完汲汲
入厨下督人理杯盤日出及日入迅疾如驚翰今乃倦失
眠動見日三竿中間五六時欲度良苦難天運有遲速人
意有悲歡矧此夏日永百感來循環生者各千里逝者直

九泉悲來無可解政如坐鍼氈一日等一歲義馭無快鞭
念此心焦鬱吾鬢俄成斑

孫佩蘭字譜香錢塘人同縣胡學綸室

詩話譜香爲文慤女兄學綸於咸豐庚申死難譜香
投河殉援起復蘇撫孤成立劫後爲詩多思親痛夫
教子之作

寄懷沈晚香弟婦

曉起看花小立時一重簾外雨如絲天公鑒我思君意催
取新裁第一詩

月夜寄懷子搢二弟

天街如水怯輕寒何處簫聲出畫闌憶弟天涯迢遞隔未
知曾否月同看

沈晚香錢塘人同縣侍郎諡文慤孫詒經室有寄生館

詩藁

詩話余聞慕韓中丞述其母夫人能詩善畫治家有法會自寫寄生館詩藁遭亂失去僅存臨終前一絕

吉光片羽
致足珍也

偶成

勘破機關世局中
春花秋月太恩恩
塵緣一夢何由覺
夢覺塵緣色相空

周維德字湘湄浙江山陰人張師濟室有千里樓詩

河南道中

三月洛陽道陣陣飛紅雨
曲檻誰家樓寂寂
臨洲渚籬落板橋斜
水清魚可數
楊柳齊作花
春風似解語

思鄉

鏡湖東結茅屋湖上波光映樓綠
樓上曾藏萬卷書是我

先人手自著當時捉筆疑風雨年年恐逐蛟龍去何日重
迴湖上舟攤書還卧樓上頭

將去西園走筆留別

天涯何處卜江村又向天涯別故園滿院落花悲杜宇一
庭芳草怨王孫春當欲老猶憐別人爲多情易斷魂此後
相思須共記何堪風雨伴黃昏

初得叔雲十一兄書卽步見贈原韻

廿載離鄉百不如一朝身傍謫仙居未逢錦字來芸閣先
見文星耀敝廬兄名星譽余夢大星明於屋上次日竟得兄書曉漏應趨青瑣闥
夜窗想草紫泥書左芬久負難兄望慚愧無才繼大家

高順貞字德華遷安人直隸知縣南豐劉垂蔭繼室有

翠微軒詩稟

詩話德華自言幼學爲詩稍長略涉史鑑賢婦人如敬姜德曜輩未嘗以才藻見長是知婦職所在未敢專力於詩于歸後身任井臼之事去筆墨益遠問或有作不過思家懷親藉抒其情而已樂亭史香厓謂德華昌黎道中柬外數首藹然仁者之言爲牧令者皆當書爲座右銘題其集有云他日名登循吏傳傳家治譜

出閨中

晨起

晨起慵臨鏡開窗曙色微
夢隨嘯鳥散愁逐落花飛
時節看頻換行人尙未歸
遙憐驛路柳霏絮點征衣

初至居庸

天險何年闢翠螺
鑾輿想見昔經過
山連上谷秋聲壯
地近盧龍朔氣多
曲澗成羣嘶牧馬
危巖作陣走明駝
時清不用防邊戍
裕國長輸例稅科

昌黎道中柬外

極目郊原闊籃輿趁曉行遠山環郭峙古木抱村生海氣
連雲潤沙田積雨平無材慚佐治入境畏官聲

邑屬韓公後遺型萬代觀士敦文定富民樸政宜寬地勢
雄堪鎮嵐光秀可餐高風與形勝瞻仰藉微官

萬井人煙集相看等一家察情周疾苦問俗到桑麻吾道
誠能盡民生自有涯蒲鞭雖示辱黎庶莫輕加

折獄須仁術如山案定時是非容己判得失有天知此稔
能無愧斯民未可欺願君常懷念止水寸心期

屠敬心荆溪人同縣任星咸室有玩月軒詩草

有感

舟避銀濤風滿川奇峯萬疊墨雲連鳧兒不解天將雨猶
上平沙傍母眠

秋雲

散卻奇峯入太清卷舒恰似綺羅輕詩人省識秋來薄莫想衣裳想世情

白海棠

一場春夢欲醒時縞素全非舊日姿淡粉應斑貞婦淚素紈不入婕妤詩臨妝祇許冰為鑑對酒宜將玉作卮願共黃花同晚節肯教紅燭近階墀

李湘自署吳下女史

詩話道光壬寅英吉利兵破甯波有人於破屋敗壁見此詩自署吳下女史李湘嘉興王補樓壽錄其詩而和之乃傳於世

題壁

花天酒地已成空夢醒黃梁旅館中舊日臙脂今日淚兩

晚晴詩集卷一百八十八

三

般顏色一般紅

忽換笙簫作鼓笳更驚烽火失煙霞海風吹折青松樹

謂裕

公殉節何惜江邨一朵花

蒼天不昧我誰欺敢負良人志或移脫卻皮囊付塵土要

留清白世人知

黃荊同氣節肯結珠璣我輩

隱不人毀城神廟米魂符卷為靈障

一思春夢為歸神兼秦金我書世交

自謂榮華人同歸任星成空行

林太婆歇世謝

新除舊事人太辭登路分心海羅

晚晴移詩匯卷一百八十八終

晚晴簃詩匯卷一百八十九目錄

閨秀

李長霞 一百五首

柯劭蕙 二十九首

晚晴移詩匯卷一百八十九

閨秀

徐世昌

李長霞字德霄掖縣人膠州諸生柯蘅室有綺齋詩集

于澹園日綺齋詩得其尊人李少伯之傳格律高古
寄託遙深蔚為國朝一作家至其合作當與施宋頴
顏

詩話綺齋五言古沈鬱雅澹取徑少陵上幾阮左餘
體亦出入三唐不沿俗格佩韋先生春雨堂詩與綺
齋並行令子鳳孫學士平日論
詩最所心折知其淵源有自矣

寒食接父書

久別懷兒女誰從問起居難將為客意盡此數行書令節
他鄉感窮愁鬢髮疎介根城下路未許賦歸歟

膠萊道中

停車向古道亂樹冷斜曛落葉欲迷徑遠鐘多在雲溪流

經雨急山色對煙分回首鄉關近令予愁緒紛

錦秋湖

柳陌菱塘路欲迷荷花荷葉與人齊舟橫野岸偃芳草水
擁寒沙上廢隄

中秋夜作

明月出雲崖飛光薄前軒舉帷怡清夜景物何澄鮮熠燿
度虛牖絡緯響頽垣清輝時相照嘉木鬱芊芊斜漢引長
素空籟出蒼煙圓靈無停斡顧兔不時安扶疏丹桂枝旣
有復非然俯仰感世人營營將何干

秋夕

開簾眺夕景寥天氣清澈廣宇生夕涼虛牖來華月暗蟲
傍砌吟明燭就煙滅垂露耿柔條迅商赴叢樾睇目盡幽

遐傾耳聆清越適已物焉違慮淡情罕闕胡不祕精魂營
營爲誰竭

宿山驛聞雨

言投山驛宿巖壑暮陰重徑僻穿芳草門閒閉亂松疎鐙
深夜雨倚枕隔溪鐘明日下午山路雲迷處處峯

八月十五夜憶嚴親

時官
畿輔

露下候蟲鳴閒階取次行華星雲隙出涼月戶邊生夢遠
桑乾水秋高稷下城相看憐弱弟也解憶神京

末夏月夜述懷

亮月麗高隅澄輝盈遙目霽景斂夕霏迴飈薄喬木淒籟
紛遞興繁星燦相屬朱明倏欲移萬象迎秋肅卽景娛新
晷悼舊思往躅斧藻懷前修迨時以自勸

旅行雜詩

疎柳隱孤村，頽陽下煙嶺。結屋背巉巖，列榭臨清冷。遠圃散黃華，新蒲擢紫穎。餘暉照平疇，高下禾黍影。對此羨幽棲，何事慕華省。

驅車牛山麓，枯蓬捲黃埃。山寒春草短，風急蒼松哀。中有齊王墓，蔽虧任蒿萊。饑烏鳴其顛，野鼠穴其隈。白骨安識此，人生多所懷。去去莫復顧，重顧令心摧。

昨發於陵城，今過伏生里。荒隴春不耕，殘碑斷猶峙。飢兔走陂陀，驚鼠緣松杞。緬懷祖龍時，生也爲博士。焚書識先機，遯跡歸桑梓。卻徵甘草萊，傳經賴女子。衰賤固云然，滄節亦所恥。鄙哉叔孫生，朝儀媚君旨。

晚至雲河驛

路照寒星出人家盡枕河水田歸雁下煙草暗蟲多屋矮
藏燈火籬殘補葺蘿勞勞遠行者數問夜如何

春日思家

閒階生眾綠幽草媚晴暉蝶逐落花起燕銜殘絮飛繁愁
因夢重久別羨人歸薊北迢迢望泉源願久違

九日思歸

風雨度重九蕭然生暮愁散金殘菊卧委翠古槐秋別信
遲來雁鄉心怯倚樓好將今夜夢飛越到蘆溝

兩大人俱在畿輔

送夫姊姚少夫人

佩珊之汴

相看不忍別相送轉淒其車馬不相待音書空後期籬花
秋爛縵官道暮倭遲珍重泉源詠言歸慰我思

離言欲訴少握手共沾襟以子辭家苦傷余別母心關河

秋雁影闌閣暮蟲音他日重回首濁河秋更深

擬鮑明遠東武吟

男兒費用世仗劍行從軍割恩辭父母飛旆出關門暗谷
履霜雪危峰躡煙雲斧冰汲朝飲期程不遑溫饑烏啄白
骨空積飛青燐回首望漢關騰沙晝恆昏豈不懷鄉縣莫
邀明主恩百戰摧雜虜九死餘一身耿介成罪辜功績委
埃塵薄勞無特達忱素將誰陳歸來守貧賤願儕麋鹿羣
金張藉舊業衛霍爲近臣封侯良有道豈必樹功勳

房山道中

巉絕房山路羣巒一望收石崖垂草細春澗帶花流風雨
荒陵古丹青野寺幽由來天設險屏障近皇州

高密城下寄姚少夫人

亂樹平沙望渺茫
介根回首海雲蒼
城頭一曲蛾眉月
照到離人更斷腸

憶昔篇

憶昔別家時
時秋月維九
僕人嚴駕俟
欲住安能久
弱弟牽我衣
阿母執予手
汝行勿愴神
努力奉姑舅
謙以睦六親
勞以事井臼
以此慰我懷
感感將何有
含涕拜慈親
敢使慈言負
欲忍更失聲
寸心靡所守
出門赴征軒
和鈴聲相叩
我車已改阡
我母猶門首
顧此兩心摧
吞聲慙自咎
朝出稷下門
寒郊罷耕耨
暮宿淄水濱
茅店依衰柳
子女互嗥饑
解囊陳芳糗
翦燭暗蟲飛
拂榻驚鼠走
輾轉永夜深
恓恍離心疚
迴思倚閭情
音容宛在右
耿耿月照梁
肅肅蕭風吹
牖啜啜雞號
晨燦燦星回
斗旅思動
蒼茫晨光辨

隴阜去去勿復辭憂緒何紛糾

庚申擬古

行行重行行哀此生別離別離難爲情而況赴戎機聖主
方殷憂安顧子與妻從軍今幾載餉絕恆苦饑天風吹敗
籜部伍各東西豈乏忠義心舉世少見知事至日天運理
實由人基

迴車駕言邁日夕望五原鬱鬱茂陵樹目極但寒煙漢武
本雄才遠略思拓邊西服夜郎郡北靖祈連山羽書不近
塞何由達甘泉晚世弛綱紀和虜在偷安寡義安知勇飾
懦藉仁言留此青塚草愧彼漢臣顏

東城高且長飛樓與雲齊中有彼姝子被服羅裳衣容華
世莫睹上與仙人期下者不敢仰恐爲禍所基妙語聞九

天邈不可擬思可化油油雲下澤蒼與黎
客從遠方來云是江漢民流氛徧南土家室無完存大將
日高宴而以捷書聞可憐七萃士渙然若浮雲遠近事剽
掠安辨寇與軍好亂豈天性賊衆多饑人

寄姚少夫人

閩嶠七千里烽煙十二秋不知明鏡裏也有雪盈頭

和佩韋夫子題淮陰侯祠壁

淮陰山水清且閒古祠老樹生寒煙漢家宮闕不知處韓
侯廟貌猶人間渚蘋無復行客薦西風捲水秋潺湲當時
逐鹿中原起國士由來重知己登壇旣遇隆準公入宮胡
怨兒女子追亡相國無始終如何不救鐘室死故鄉雖好
不能歸自古功臣多如此

圍城中作

援絕孤城小秋高雁不過蒼生今若此守土竟如何
擊鼓深宵近烽煙夕照多當途有上策幾日息橫戈

辛酉紀事一百韻

開春賊東竄避亂事遠出秋來復北行烽火起倉卒呼號
聞比鄰愴惶出閨闈女弱涕漣瀝姑老色惴慄大兒前挽
車小兒後提挈暮出東郭門秋潦多亂轍月暗影矐矐路
昏行蹙蹙我隨車徒行十步再蹉跌野田忽高低陟降弗
遑歇前至海上村燈火閃蓬華寄跡葭葦親婦子共一室
新穀薦黃梁菜羹雜薇蕨棲息雖云安中夜常驚恍詰旦
赴海壖海氣尙鬱勃揚帆事遐征天風吹蕭瑟島嶼影浮
沈波濤聲蕩潏渺然感人生一粟寄溟渤三五蟾兔盈澄

輝何皎潔魚龍動混茫星斗垂寥闊我本懷百憂反因異
境發回首望邑城迢遞火光徹舍宇恐摧頽松楸或斬伐
沉聞海防軍昨日新戰沒矯矯王將軍懋力能貫七札矢
絕無繼兵父子同一烈昂昂陳義士萬舞十盪還十決戰勝
眾人依戰死誰收骨賊勢遂日橫所在逞豕突沿海事焚
劫殺戮到巖窟越旬聞賊行歸帆頓飄瞥來時之所經塵
市半邱垤遲遲造里閭女僕迎門闌伯氏先我還親戚問
存歿敝廬幸復存敢怨多遺失塵釜事浣滌敝簞重振拂
次第理琴書殷勤整卷帙人勞樂苟安時危易爲悅遠近
傳虛警消息時恍惚何方爲樂土欲去還中輟羣醜復北
旋倏忽勢莫遏扶掖入邑城歷險嗟更迭託跡向巽宮廣
廈一甍設遙望見焚燒煙焰生林末風逐怒燦飛霄熾秋

雲熱哀哉膠東民慘比他邑別刺史本神明縉紳多賢哲
仁厚戒征誅守成貴密勿夫子事登陴長子隨行列瀦水
汲汗池涇薪斫叢樾永日不再炊深秋無重褐阿姑時歎
息老病懷驚怛小女畏賊來枕席亦杌隄強歡欲相慰反
使泣嗚咽但云賊當去賊去當全活蓄驚意恟恟含憂心
惻惻再見蟾兔盈嚴霜木葉脫有時聞賊行或言遠搜括
比日斷烽煙寥天氣清澈欲出復遲疑賊謀恐詭譎三旬
始出城恟恍異天日瓦礫塞通衢連臺百無一迴風吹血
腥當途餘殺越空巷行蕭條敗壁立突兀殘燼擁頽垣故
居認髣髴去去將安之摧殘到瓜葛幸有宗人舍暫留僅
容膝三秋倏以邁天寒氣栗冽三見蟾兔盈時維冬十月
昊天胡不惠大戾弗我恤慈姑病纏綿彌留竟永絕亂餘

遘閔凶誰云理無闕哀哀視君子麻衣淚凝血漸止涕縱
橫莫使迴腸結阿姑暫浮厝黃泉未定穴當思昔賢言毀
不使性滅銜恤更晨昏薦瘞時未竭厄運傷不已含憾視
瑣屑維時方薦臻余復罹疾次染及兒女呻吟雜喧聒
伶竈靜無煙敝衾寒如鐵顧瞻使心傷涕零無復啜汝輩
行當痊予疾恐成訣囑女莫嬌癡囑男勿怠逸怠逸成荒
廢嬌癡遭瞋喝夫子相慰言汝言何不達人生天所命胡
爲傷情切先事而綢繆爲計良亦拙所遇在軒張且與同
飢渴聞此感予心憂懷勉爲豁時序自有常陽和迴窮節
女病漸加餐男愈行蹙蹙予疾亦云瘳扶杖猶顛蹶隆冬
肅寒威氣嚴手指裂壁隙鳴風飈窗陰積霜雪艱難寄居
情人事安能說矧乃沂水陽游騎尙突軼遙聞古濰州戰

明時卷言四十一
十一
士多人傑分抄不及境賊氣爲之奪束裝思北上流離猶
未畢何日息瘡痍上將臨節鉞解此下民憂濟時望稷契

赴濰縣

昨發膠水淩遙遙去黔陬村落少人煙天寒路途修板扉
當晝閉餘燼痕尙留兩三老寡妻相語雙涕流往春殖二
麥賊衆來南州麥田爲戰場麥苗飼馬牛無麥猶尙可秋
復遇虔劉少壯爲賊役老弱死道周有魂不可招無骨將
安收官死有餘榮合名垂千秋兵死有厚恤皇恩一何優
惟此農民死滅若浮水漚下有子沖幼上有母白頭業失
未能復官賦未能休死者長已矣生者恆殷憂

南留店

烈烈北風涼搖搖鐙燭光旅愁不能寐耿耿寒夜長小女

衣裳薄輾轉依我旁問我今何之去去將何方聞此感予
懷淚下忽沾裳往昔憶慈親恨不居共鄉今日行且近反
覺意徬徨有家知懷土無家將焉傷起看月在戶回視月
在牀松楸日云遠何以慰蒸嘗

憶巢燕

舊壘已無地歸時敢望歸空餘將子意難傍故檐飛天地
還春色兵戈未息機余懷不可遣爲爾一沾衣

寒食作呈佩韋夫子

春色爲誰來綠徧西原草念我時艱虞反傷春色好天地
方甲兵沈憂催人老莫挽西江水轍魚同枯槁緬思先舅
姑悲來心如擣富貴不及養榮名安足寶況我沈淪士流
離更遠道麥飯莫不時墓門復誰掃傷心首邱意華髮悲

年早願利幽人貞敬身以承考區區小草心永言傷懷抱

村居

一雨收殘暑鄉思又及秋初寒多在竹小夢亦生愁葉老
蟲絲捲苔明蝸篆留村居近三載歸計未能籌

擬塞下曲

閒寫家書付六親縱爲部曲亦王臣生成熱血消霜雪不
用寒衣寄遠人

自澆雪水洗刀瘢昨日龍堆接戰還聞說前山驕虜在更
無歸夢度榆關

北風吹雪下盧龍寒入征衣凍幾重尙有君恩酬未盡家
書縱到不開封

鏡歌唱徹海風秋收取關山五十州終古烽煙不近塞功

成何必盡封侯

看桃花

村南村北桃作花綠蕪盡處明春霞我來看時雨初歇野
煙淡淡花未遮側蕊傍花紛婀娜長枝短幹交橫斜南者
盛開北者蕊一株氣候閒有差似留餘美戒先盡含采不
復相矜誇我因避亂去鄉邑花時悵望歸路遐他鄉春色
忽爛漫故園花好將焉加符山之峯出花外石骨皴綠無
土沙點染縱無灼灼華此邦已覺清且嘉況有武陵在人
世有田可賣吾將家

和吉侯弟秋苔詩

微物亦生理勿教屐齒侵疎林餘宿潤古井半秋陰一雨
寒如此無煙綠自深小園生欲徧漠漠感愁心

擬古

籬花煥異彩
畹蘭吐幽香
鴟鴞爾何物
嗚之使不芳
好生本天德
汝何反其常
鳳皇不爾顧
爵羅不爾張
我欲避之去
怨彼河無梁
不忍聞其聲
掩耳以心傷

丹桂氣辛香
其下無蕃草
至美伏殺機
造物非顛倒
羽士服黃精
顏色常美好
不棄小草用
遂使永壽考
昔聖訊芻蕘
側陋多遺老

洋洋萬頃波
擾之不能渾
游泳涵衆有
安辨介與鱗
湛湛九霄露
爲澤一何均
蒼蔚茂萬木
安識松與榛
明察非令德
至人滅見聞
所以古聖哲
無爲風自醇

富貴移本性
貧賤何勵身
世人多所欲
徇之失天真
五月有披裘
季子稱其人
華歆渝素守
管邴恥爲羣
苟去與苟

得其重若干鈞

秋感

高梧下寒葉虛階靜有聲出戶獨徬徨流颺繞前楹履霜
不自警寒衣何由成知風鳥背巢隨陽雁南征微物亦何
識先時知所營豫來慮易怯愁至疾若并蒼然眺遠色秋
氣傷人情

三妹德馨歿於去春二月今夏家人憶之皆爲涕零
哀死者之早天遺生者之永思傷哉此情用託斯
篇並示吉侯弟

昭昭白日光夜臺不蒙輝冥冥泉下人詎識生者悲和風
扇春林病葉忽辭枝大化有逸順庸情安可知憶昔送將
歸不謂成永辭奄忽歲已遷家人空餘思宿莽回青陽蟄

明時卷之九十九
十一
魄無駭時彭聃以爲天斯理誰能齊悲來時涕零援筆空
復詞

寄六妹

長夜何漫漫月照室南端別離未云幾桂樹生秋寒西風
夜來度涼繞庭前樹蕊蕊葉底花團團葉上露花開不相
見花落隔鄉縣出戶獨徬徨花前月如練月色迥然秋相
望不勝愁朝爲山中水日暮出山流流波無回瀾夏來若
循環願言緘此辭寄彼凌風翰

戰城南

戰城南城南鄙健兒追北日暝不止幾年騎馬破殘賊聞
說將軍今日死青燐照野骷髏語應是當時舊部伍將軍
戰死未歸骨誰宴軍門搗大鼓

孔淑人詩

鳳鳥有靈匹芝蘭有靈根有女歎薄祜少小失二人阿弟
方弱齡煢煢寡友昆十年貞不字撫弟多苦辛詩書夙所
好禮儀夙所敦餘事擅寫生妙筆追天真高行人所羨媒
妁來殷勤云有贊皇令劓氏爲清門遂締百年好鳴鳳託
高岡玉帛安及時佳耦世無雙結褵行有日羣寇來搶攘
劓侯恤民事率眾巡所疆猝然與賊遇萬騎精且強合圍
桑落鎮眾寡莫相當天狼不可射威弧不可張嗟哉忠義
士身死爲國殤佳運歎何遲厄運來何促忽聞消息來心
摧莫能哭女子謂阿弟我生亦何艱二人誰則無父母早
見捐伉儷誰則無未嫁失所天我命實不猶皇靈無私恩
豈不重一死身殉義得全一日飢不食二日飢不餐光光

明齋詩話卷一
十一
烈女子冥冥向重泉合葬蒯氏塋遂彼同穴言高義世所
重有司以上聞明明皇帝制曰贈爲淑人借問淑人誰宣
聖之裔孫

戒子詩

羲和無返轡昔賢惜分陰念爾流離子少小值苦辛荒廢
惜往昔僂俛慎在今媵修苟不力老大倏相尋乾行貴不
息纖條成修林

海氣絢蜃采樓閣生虛空鮫人不可處幻滅隨天風實道
由踐履力至性乃充譽廣必毀至名高慎悔從鳳鳥無靈
德文章歎華蟲

緬矣西江水枯轍不獲滋大哉魏王瓠堅重不可持行遠
升自邇一簣成丕基黃湏爛明鏡輕塵淄素衣小善小過

言三復誠可師

大哉魏王瓠堅重不可持微矣驪龍珠光耀世所希古人
執一經專精乃不移明兩歸一照吹萬成咸莢射鴻慎物
遷亡羊感路歧

回西村

西山遠翠生春煙南溪新漲明淪漣斑斑紅杏兩生暈裊
裊綠楊風可憐將軍馳檄薊門道客子寄書漳水邊年來
離亂逢春色又向晴波感逝川

寒食寄吉侯弟

腸斷墓門道青青小草春死生皆作客去住各因人徒有
皋魚泣空憐季路貧客途今日夢應阻大河濱

春日憶少子劭恣

雨氣緋桃重苔痕石砌幽青春憐爾遠白髮對花愁消息
傳戎馬關山念阻修雙魚應有寄漳水日東流

述事五百字寄吉侯弟

盜賊生東海璣衡指北躔余於辛酉十月亂後赴濰巢禽初去越胡馬

不歸燕灘汭僑居久山村假舍便慈萱欣日永小草得春

妍布乏公孫被牀無子敬甃圍鑪分宿火和藥典華鈿屨

見塵中釜頻經突少煙窗寒宵擘絮鐙地夜陳篇羊蔡鄰

居久殷韓共地偏弟與中表郭荔巖為鄰居余兩子及弟皆假館郭氏西園水清魚潑

潑風暖蝶娟娟秋圃花如錦春塘柳似綿弟兄歡刻燭甥

舅樂分箋時弟與表弟荔巖及兩子約為詩社得意真如許窮愁半釋焉不

為毛義檄肯著祖生鞭弟家計不敷其外家代捐未職弟遂以丙寅秋赴豫為祿養計兒

賦渭陽什子慚屈姊賢征篷汴水外客路大河前時弟自禹州赴

歸德王太守署 梁燕辭何易藩叛兆已先一從雲出岫屢冀水歸

泉大壘占離昃喬林望景延漣如空泣血嗟若漫呼天家母

於丁卯正月棄養 宛洛遲歸鞅青齊徧控弦時捻逆東竄弟以道梗不得奔喪歸里

一棺分舊塚抔土寄新阡先母未葬聞警即權厝於先君墓側駭獸知先步

驚禽敢後騫圍城孤似斗假舍小如船時避亂入城假長子壻蔣氏宅鼓

角晨風裏旌旗落照邊將軍諸道合節度九營連壁壘防

應固賊竄東郡諸軍雲集緣新河築長圍以困之兇徒惡未悛鼎真魚莫脫隄

竟蟻能穿賊於七月似說擒張步十月劉軍門破賊於青州地斃賊首某還

聞遁李全餘賊賴文光敗後竄至揚州界澤鴻哀未息轍鮒涸堪憐舊業

思餘燼新居歎坐捐至今猶寇盜回首憶傾顛飯少東方

米居無許子屢免真嫌窟少鳩拙怨巢遷時以假舍不便遂置屋數楹地

甚秋 隘 窄屋能容膝荒垣僅及肩霜黃垂戶草苔綠上階錢

明眼卷言四九二下八二下
三
迅景催窮節，愁心畏暮年。東來書渺渺，西望意恹恹。異地留王粲，何人引服虔。近聞烽火息，望爾賦歸旋。

擣衣詩

朝槿謝朱榮，晚蘭辭秋馥。燠往愒晷長，寒來惜景促。虛櫺棲餘景，苔階結殘綠。佳人拭清礎，鳴機罷夕柚。淒籟答繁聲，哀蛩伴幽獨。燮燮迴飈度，歷歷餘音屬。敢畏露氣寒，霜威邊地速。敢畏力不任，道遠難頻復。戚戚感離心，肅肅憐宵躅。縈情理紈素，含悽對明燭。不識後時顏，猶裁別時服。

避寇海上

萬里滄溟一望開，二勞山色晚崔嵬。天浮積氣星辰動，潮蹴長風島嶼迴。市岸妖氛宵更惡，孤城畫角夜偏哀。那堪戎馬縱橫甚，可有官軍入援來。

清秋諸島氣蕭森漠漠風煙接太陰滄海東浮雲似墨孤
城北望火如林懷居忽下危時淚卜地空餘遜世心極目
驚濤無盡處側身西望一沾襟

西園卽景

老樹邀寒色空煙淡夕暉鳴風秋葉急垂架晚瓜稀花暖
蝶爲幄苔寒石作衣蕭然憐景暮絡緯促鳴機

中秋對月

余一姊一弟四妹及予爲七人姊德僚居武城不相見者蓋二十六年三妹長馥家瑯琊道雖云邇晤面亦稀夏六月六妹長鬢于歸長山王氏七月杪吉侯弟以視三妹疾未歸中秋夕家人小集惟七八兩妹長昭長婉共此清樽獨予白髮長年易感詎待傷離稚子無愁亦知懷遠率筆賦此以示兩妹

天上團圓月人間寂寞愁蟾寒丹桂老河淡白榆秋明鏡
消銀燭清樽對白頭別離憐爾照清景莫西流

千里同明月離人幾處看形因多病改書欲寄愁難高露
浮空氣疏花照夜寒昔年同此樂今夕路漫漫
翦燭知宵永添衣覺露滋繫檐蛛託網棲樹鳥餘枝吟詠
憐兒解艱虞畏母知誰驚一行雁南北各天涯

九日寄吉侯弟禹州

蕭蕭木葉下庭陬黯黯秋陰我欲愁離菊重開猶作客鄉
山正遠莫登樓濁河水落黃蓬轉故國霜來白草秋欲寄
音書歸雁少鈞州何事苦淹留

和八妹九日詩寄六七兩妹長山

煙草萋萋獨閉門每逢佳節黯銷魂莫將白髮臨青鏡且
采黃花對綠樽濟北書遲秋後雁阜山木落雨中村他時
姊妹歸來日應有新詩仔細論

擬魏文帝公讌

日暮游西園逍遙曲池旁好風有餘善靈卉敷時芳扶疏
珍木陰嘉鳥傍巢翔奔星流清漢華月生精光朋從協時
豫美酒溢金觴結歡雖在邇鳴傳多遐方終此金蘭契久
要不可忘

擬陳思王仙人篇

至人乘化游託跡在元沖整駕紫濛野邁跡過崆峒雲氣
交神衢扶轄來天風入龍何婉婉躡景無遺踪紫房深窈
窕絳闕渺瞳矓仙人多傳侶來往驂輕鴻素節蒞金母青
裙來玉童宓妃拂瑤瑟青女叩清鐘張樂列丹臺靈奏聲
駭空大明詎顯晦羲娥互西東俯首望塵寰天路誰能通
培塿見五岳餘視空濛濛迴車指帝鄉朝謁登紫宮註名

石室內延齡壽無窮

別長女寶懿

秋蓬去故所隨風自東西
人生遇時艱移徙將安辭
今茲別汝去念汝不能攜
山川雖云遠音書肯爾稀
不見林中鳥晨飛暮相依
勿爲別離念相共自有期
暖日煦早春好風拂柔枝
萬物豫天和胡爲常淒其
努力以自愛慰我桑榆時

車遙遙篇

車遙遙去鄉國心搖搖
忘南北車輪方行客傷車輪轉故鄉
遠行止難客自憐

湖山樂道中

車馬逶遲湖水潯
湖光空翠曉陰陰
村煙一帶柳絲重
嵐

氣四圍春雨深依舊青山留客夢漫教黃鳥喚愁心結茅
抱甕曾題句回首前塵感不禁余庚子過此曾有白雲不
到地飛來湖上峯及結茅
堪共隱抱甕
想遺踪之句

章邱驛寄弟婦及八妹

處處新黃上柳條故園東望路迢迢老來詩句愁中得夢
裏山村覺後遙暮雨雲生長白樹春風人過繡江橋禁煙
明日逢寒食念爾深閨倍寂寥

途次齊河縣過黃河

湛湛清濟水忽入濁河流川瀆有遷移人事將誰尤遙趨
鐵門關南北劃齊州我非壯士懷大波怯陽侯舟子輕洪
濶理楫發長謳孤舟何邇迤危檣風颼颼汎汎沙岸近榜
人維予舟回首瞻岱色浮雲天際愁俯仰念鄉邑山川阻

且修懷土亦天性不見狐首邱

莘縣途次

客路過莘野孤村落日低荒田多白鹵矮屋盡黃泥飢下

呼羣雀寒棲上距雞蕭條民業少生計憫蒼黎

談

雞寒上距見池北偶

汴梁城外作

透遲車馬倦近郭日初曛古廟沙扶碣危城塔入雲地平

河勢闊風遠市聲聞好憶湖山路煙嵐翠不分

返西村舊舍

三載西村舍重歸感我思到門疑有母如夢憶來時雪釋

苔生屋春寒柳未絲庭前舊烏雀還上向檐枝

對雨

終日淒淒雨連朝漠漠陰低花沾宿蝶高樹溼巢禽蕭瑟
初寒意悽其望遠心春秋倏易序歲月太駸駸
春日辭鄉國秋風感客襟愁顏蟾子破詩句女兒吟羅扇
閒捐雪甘瓜罷剖金庭前芳草色一雨綠偏深
一雨將無極空堂更寂寥野雲低黯黯庭竹晚瀟瀟紫氣
仙臺近青山海國遙沈吟思往事魂斷不堪招
往事知何許分明一夢真未亡憐弱女永歿痛慈親垂老
家偏索餘生業更貧相依惟弟妹此別更傷神
弟妹皆分散同居此願違少孤長作客遠嫁苦思歸露柳
垂仙珮風花學舞衣昔年吟賞地回首倍依依
回首西村舍遙懷少子居三秋曾遠別兩載喜隨予晚景
誰相慰多愁望爾書思歸歸不得惆悵復何如

惆悵歸無計他鄉苦滯留家山頻入夢老病怯迎秋飢雀
依檐宿低螢入戶流吟詩燒短燭風雨下簾鉤

哭長姊詩

允矣我姊令德祁祁十年之長事爲我僕我初姊綫我讀
姊師怡怡閨闈如壘如簾我邁十齡姊賦于歸翩翩者雁
中道分飛雖曰童稚愴矣其悲道里悠遠山川間之滔滔
歲月綿綿予思星次載周姊再歸甯春仲斯至夏首斯征
來若萌華別如振英譬彼山泉分流趨壑始則同源終焉
異託維此東國擾矣時艱鴻阻於冥魚沈於淵不相見者
三十餘年我賦流離罔或甯處歷百苦辛晤言以訴胡不
我願而卽長暮我有夢寐憶姊舊形今也何似我弗姊明
我昔焚巢姊聞而傷今也冥漠姊或予忘哀矣予情爰託

斯文我弗姊睹姊甯我聞昭昭莫形冥冥安處知靈有無
慟此泉路

赴楚途中作

南轅無北轍白首越鄉縣往歲去青齊今茲辭梁汴汝水
涉迢遙楚山眺葱蒨林葩耀蜀錦隰煙浮吳練杜若長春
洲鸚鵡下芳甸來巢事亦微魯史徵昔諺物性靡遷移人
情悅安晏往歲蒞金豕乾坤方轉戰宛洛有戍兵海岱時
傳箭二紀瘡痍消十載憂患浣譬彼辭根蓬當茲九秋轉
俯仰感多難憂來誰能遣

發應山

曉色開眾山霽景蕩層陰曦暉散林畔叫嘯聞哀禽透池
山西麓沿迴水東潯履沙越洲渚躡石上嶠岑澗氣生空

翠風泉有清音細徑出叢樾晨寒襲重襟南景允爲美北
懷鬱以深遙遙望白雲端憂不可任

黃陂道中作

窮紀辭鄉縣客跡隨蓬飄往歲河陽旅今卽楚路遙宿雨
綠崖谷陽春秀時苗朱櫻耀翠巘碧蘚絢丹椒逼側山際
路颼颼澗底颼旁行近崖巒上陟踰岵巽寥泬見千里虹
洞兩儀遼海岱崇且廣馳目不可邀丹霞承夕景寒煙羃
遠皋晚晚崦嵫日時往孰能要大化賦衆有物理任長消
營魂不自慰頽陽豈重朝持明有窮照畢燭乃餘膏理爲
窒者達愴歎付長謠

江行望岸上諸山

長江趨東南連山峙其外平流淡無姿羣有靜含態青岑

生白雲蒼衣約皜帶蒼蔚蔽崑崎青葱翳松檜安得一攀
躋令我訪勝概舉林摘瑤英倚石窺寒瀨幽境不可尋長
風催行邁回首望眾山蒼蒼但煙靄

命女

乾剛坤柔太始判德維物賦性維性生則維爾女子柔順
是職由庚以茂或愆是惕良金克寶趨型從革慎爾柔儀
以來百福

謙爲德舍讓爲禮基競徽鶩勝允非女宜逸必後獲勞務
先施美未可任過甯盡辭任美弗至過辭安移修以明德
潔必澣衣

夫正而和婦順而敬維茲居室倫始德柄肅與德成慢必
忝并愆微終著穀漸以盛溫恭是庸莊而無競邇迪遠則

爲家之政

女德無極維順是長昔戒有言取婦如響婦焉如斯姑焉
爾賞何能可倚何巧可尙智有一失才難百當過由愛隱
善由愛獎

小心翼翼在聖猶稱夢夢季女實懼難能何事可怠何言
可輕何微可忽何細可勝人多善始無替在恆如履虎尾
如履春冰

維詩與書發天明命長善成仁達理衛性道在莫離事成
日用豈必男子女子是共勿謂華辭斯道之盛興至名篇
溫和以正

德成於謹業盛於勤日計在旦歲計在春習之成性勵之
由人女職是首婦道是敦秋蟲響夕寒雞司晨黽勉夙夜

疊疊振振

泊興國州城外作

東風原隰綠迢遞接關河芳草故鄉遠斜陽積水多楚山
春晚晚客路歲蹉跎十載猶浮梗西園憶薜蘿

重泊武昌

西來山色認從前回首鴻泥意黯然疎雨淡雲寒食節孤
篷短櫂漢江邊萍蓬寄跡家千里蒿蔚餘生客十年黃鶴
樓頭頻悵望汝南濟北各風煙

秋夜

寂寂蟲吟砌策策葉鳴枝房櫳淒以靜下簾還掩扉鐙火
出檐隙宿鳥忽驚飛人物胡相擾滅燭息光輝寒雨滴長
夜淒風入輕帷憂戚相倚伏衰疾自追隨居室各千里含

曉晴彩詠匯卷一百八十九
愁將訴誰薄祐由天賦多艱豈人爲何用得所遣委命復
奚疑

感懷

故鄉幾千里望遠臨高樓徘徊將何見蒼然江漢秋楚山
遠無極楚水天際流微茫大峴影窈窕鸚鵡洲芳草將欲
歇寒臯色正愁馳暉無緩景久客生百憂滔滔長江水迢
迢東海頭

哀哉行

有弟客河陽少小寡甯處往歲射策歸道死鄭州路人生
亦何常禍福隨所遇昔別經十年今別永不晤昨夜夢中
來素顏如平素含戚若有訴欲語成驚寤江介秋雨多晨
風不可渡爾魄去何之蕭蕭青楓樹

搖搖當風樹枝葉不獲安寂寂枯荑根冥漠委郊原生者
去鄉國死者就黃泉黃泉多新鬼弟及庶母相繼歿相見理或然
冥冥不可訊銜哀將誰宣西風吹白草蕭蕭邱壠寒哀哉
復哀哉涕下空沆瀾

西原謁墓歸

稼盡原隰空木脫山容近綿互暮嶺長斷續寒流引寸莽
竭窮樵槁壤連修眇白日隱寒雲哀商正淒緊元冥逼凜
秋急景催時迅四序自有常三壽誰能準來息自勞勞往
消憐泯泯景物悵蕭條人事勞坎壈鮮知成獨復多方謝
眾敏日夕掩柴關情琴理瑤軫

秋懷

喬木振天風落葉依衰草高下勢云殊同此秋枯槁貴爲

多物營賤與沈憂老不見南山石亡知得壽考

雪後

目極川原闊登樓時倚欄高風一雁遠晴雪萬家寒景短
殘年逼時荒善政難流離憐老弱遼海路漫漫

吉侯弟歿由夏及秋聞其眷屬未歸旅櫬難返天涯
有淚傷也如何昔人云長歌可以代哭爰成七言

二章

春日公車指帝鄉秋風遺魄滯河陽慈親涕淚隨年盡

弟生

母王太孺人游子關山入夢長遲暮靡依憐白髮式微無

共在禹州

後繼青箱楚些空有招魂賦荆豫無如各一方

古剎淒風唳夜烏龍輶何日赴征途他鄉眷屬能歸未地
下庭幃得到無白草棲霜先隴隔蒼苔漏雨故園蕪可憐

同氣今餘幾慟哭鴿原淚眼枯

信陽道中

一川芳草露初晞幾處人家倚翠微
樵徑煙深松葉暗沙隄水淺荻芽肥
十年烽火青山在三月春愁白髮稀
武勝由來天下險關門不掩亂雲飛

柯劭慧字穉筠膠州人榮成拔貢孫季咸室有思古齋

詩鈔

詩話穉筠傳其母錡齋夫人之學工倚聲有北宋風格五言古詩規模選體亦非時輩所能及

秋懷

唧唧草蟲鳴離離眾星列白露勁柔條激楚結叢樾踟躕
還入房含悽心如結羅帳漾清商綺牖籠寒月百憂觸物
生萬感因秋作

朝槿謝殘紅籬菊發黃藻金風生桂枝玉露凋芳草客懷
多感傷覽物憎寒早轉身入我房怒焉心如擣綺窗曖夕
暉邃室增幽窈豈必日月馳維憂以用老

秋風自何來吹我庭前草昨旦含芬芳今夕成枯槁物理
有變遷人事豈常保寄語閨中女勿恃朱顏好莫挽羲娥
車奄忽催人老密勿思古人庶以慰懷抱

落葉下亭皋歲暮不自聊羈旅無定所翩翩若蓬飄開軒
一以眺四野何蕭條心隨商飈飛目共秋旻遼寒煙結遠
隰餘景散陵喬冉冉羲娥馳興往不可要

枯莽委巖趾槁籜隕林梢高下雖殊科零落固同朝念我
非金石胡爲長鬱陶人生本物旅大化誰能超以此慰我
懷援筆成長謠

耀靈馳西陸少昊司秋節翩翩野藿飛澄澄寒潭潔我生
多艱虞覽物難爲悅時往若馳波一逝不可輟來憂如循
環百轉還相結禦風傷紛絺卒歲無衣褐徘徊終何之對
影惟明月

凝霜凋蘭蕙白露被荆榛好惡殊以何零落同秋旻天地
無終極物理難長存持此有時軀而懷常苦辛始知至人
德樂道在守眞營魂不自慰畢景豈再晨

秋夜一何長漫漫難及晨我非壯士志胡爲懷苦辛披衣
起徘徊仰看參與辰三星猶在戶河漢未西沈世累忽相
擾百憂坐自臻歡愉隨時棄衰病逐年侵煢獨自天啟多
艱將焉珍棄置無復道惆悵難再陳

擬古

朝采陌上花夕翫庭中月賞心亦何常遇物卽遷別人情
旦夕更寵祿豈長託顏闔逃魯幣子搜戀丹穴寡慮物可
遺欣名道自闕修身非外求達生信可樂

女蘿本微薄得依松柏枝繁英何蕊蕊密葉以萋萋朝蒙
慶雲惠夕被渥露滋哀此小草心自謂終不移陰陽有變
化禍福自相基淒寒變春旭杲日忽陰霾朔風振林莽喬
木難獨持松柏旣摧敗女蘿亦離披流潦凋翠采春日委
青萋薄祐由天啟知命復何疑感此聊自慰同歸亮有期
森森千尺松亭亭自偃蓋陵谷有變遷此木獨不改旣負
棟梁材豈辭翦與敗誰知歲寒姿未足美人陳蘭蕙吐異
香雲霞煥奇采回首語寒松持節將焉待

擬行行重行行

遙遙遠行邁悠悠懷所思問我將焉懷哀此生別離去君
日永久相見邈無期隰淇皆有岸栢思獨無涯朱顏退紅
采綠鬢著素絲春華委霜霰營魂豈久持一息不自保何
況待來茲

擬涉江採芙蓉

采采芙蓉花灼灼多佳色日暮水層波沈吟楚江側蘭蕙
不時生芳洲安可得馨香難久留念此遠行客

擬青青河畔草

灼灼桃李花天天當風枝皎皎彼姝女媸媸好容儀鏘鏘
鳴玉佩采采羅裳衣佳人誰不慕高節難與離交愛無良
媒空令神魂馳何不化行雲慰我長相思

擬庭中有奇樹

珍木生庭中，花葉含清芬。愛此好顏色，可以贈佳人。繁英
久已茂，欲欲寄感無。因行行芳樹下，不覺淚沾巾。誰謂感節
物有懷意所親。

記夢

晨風起幽閨，落月照東壁。念彼泉下人，悽愴無終極。昔別
各千里，今別永幽隔。昨夜夢君來，朱顏若疇昔。舉帷相與
言，似訴久離析。含悲語未畢，驚寤杳無跡。顧眄惟四壁，爾
魂何由適。天路本茫茫，此理誰能識。反憶夢中情，默默思
所歷。

秋聲何淒清，棲禽夜忽驚。我生逢百憂，感此涕自零。涕零
可奈何，思君若流波。暫別傷契闊，永離沉泉穴。房櫳來悲
風，虛空自生寒。憶昨夢寐中，彷彿睹君顏。惕寤無所見，形

影空自憐冥冥泉下人曷云復來還君往不復還余生豈
能延寄居當幾時憂患在其間昊天實爲之爲之復何言

送二兄赴蜀

瑟瑟晚風興朗朗鐙燭明今夕共言笑明晨卽遠行清醕
多且旨嘉肴皆豐盈行人怨離別對酒不能傾晤言欲相
慰未語涕自零余心尙如此客懷難爲情黽勉加餐飯温
恭交友生勸君莫感傷歲往若流星努力各自愛慎勿慙
所生

流波戀故溪棲鳥憶舊枝感此念同生宿夕當別離依依
家人意綿綿游子思雞鳴起行邁焉得常相依愁多夜轉
促欲語難盡辭勿懷川陸長相晤自有期勿爲貧賤傷勳
業自有時願君愛玉體慰我長渴饑

仲秋翫月懷敬孺鳳孫兩兄

丹桂花始芳綠蘭香未歇之子隔異鄉奄忽至佳節攀桂
意莫舒採蘭心自結持此欲贈問道遠音塵闕惆悵望遙
天寒色生秋月月色令人悲入戶還掩扉瑣窗凝素靄瑤
席委清暉清暉不可埽愁懷不能道反憶遠行人應傷秋
色好與君為連枝相見時何少輶軻百年間離憂摧人老
綿綿一寸心迢迢千里道

初晴

山村雨初晴園林淨如沐皎潔寒潭清寥泐秋旻肅炎暑
隨節闌清商因時復蘭蕙含宿滋葵藿傾晨旭花籬解殘
紅苔蹊著新綠良游信可歡客意苦拘束何以遣我懷白
種庭前菊

春日雜詩

仲春多清和喜逢新雨後駕言出行游徘徊顧我園縞李
被素錦夭桃著丹繡交交倉庚鳴青青壘麥秀穀晨亮可
歡客懷難爲候理來物非昔感往情如舊空懷淇潁心徒
羨松喬壽此志未云就俯仰終宇宙焉得魯陽戈勿使曦
娥驟神仙非力求富貴自天授不如秉燭游聊以慰昏晝

詠菊

百卉具腓日東籬菊正芳月明偏益豔風靜更聞香蒨粲
雜朝露參差映夕陽歲華已寂寞不忍避秋霜

秋夜書懷

明月皎皎流素暉宿禽棲樹驚忽飛感此夜分不能寐憂
懷輾轉若有維披衣出戶何所見秋花爛縵霜中瘁蒼昊

明倫彙編 家範典 卷一百八十九
三
布惠萬物茂青娥司運百卉腓誰知造化竟何意由來好
惡同榮萎始悟人生須行樂胡爲憔悴令心悲慊慊懷憂
終何爲

孟夏讀黃庭經偶題

閒閣焚香誦玉編暗將庸智比前賢誰知性外元無道始
悟身中別有天金簡易書消永晝瓊丹難得慰殘年誰言
朝市非仙界陶許何曾早挂冠

九月九日與蘭妹登高閣作

壺中有酒且同酬共向西園憶舊游萬事回看旦夕異一
身休爲百年愁但尋黃菊簪青鬢莫採茱萸怨素秋樂飲
不須辭日暮人生能得幾登樓

寄大兄

到眼韶光瞬息空一年不覺又東風
庭前楊柳含煙重簾外桃花裊露濃
白日全消愁思裏青春盡老別離中
不知客路能歸未且採瑤華待信通

再到西園故居偶題

前溪山色轉蒼然斗覺春光到客邊
忽見西園花滿樹始知別後已經年

秋夜有感

風葉落空階秋聲感客懷
多情天上月夜夜入帷來

晚晴篋詩匯卷一百八十九終